

石室秘錄

石室秘錄卷之六 目錄

上海圖書館藏

卷六 數集

傷寒門

傷寒二三日惡寒者 第三日少陽與陰兩証

寒厥結

傷寒陽明証中有直視譫語喘滿 傷寒壞証

乃已汗已吐已下而身仍熱如火

傷寒少陰証惡寒身

跪下利手足逆冷 傷寒少陰証吐利加煩悶手足四逆

傷寒少陰証下利止而頭眩昏暈 傷寒少陰証四逆

惡寒身踈脈不至不煩而躁 傷寒少陰病六七日息高

傷寒少陰病脈微沉細欲臥汗出不煩嘔吐至六七日

自利復煩躁不能臥寐 傷寒脈遲是寒 傷寒六七日

脈微手足厥冷煩躁炙厥陰不還 傷寒發熱下利加厥

逆中心煩躁不得臥 傷寒發熱而能發厥 傷寒熱六

七日不下利忽變下利又汗出不止 傷寒下利手足厥

冷以至無脈 傷寒下利後脈絕手足厥冷猝時脈還而

手足盡溫者生 傷寒下利日十餘行脈反實者死 產

後感太陽風邪大喘大吐大嘔一產後感冒風邪是太陽

症口吐膿血頭痛心煩腹痛或作結胸一產後感少陽風

邪語煩躁更加驚悸產後感中陽明風邪大喘大汗

產後感陽明之邪發狂亡陽一妊婦臨月忽感少陰經

風邪惡寒踈臥手足冷一妊婦臨月感少陰經症惡心腹

痛手足厥逆一產婦臨月忽感少陰症一產婦三四日至

六七日忽然手足踈臥息高氣喘惡心腹痛一產婦半月

後至將滿月亦患前症一產後手足青一身黑一產後足

純青心下痛一產後少陰感邪腎水上汎嘔吐下利真陽

飛越一產後四五日忽感風邪發厥一產後吐衄虫一產

後吐血肢又發斑一產後患厥陰症嘔吐兩脇脹滿者必

便血一產後下利厥逆躁不得臥或厥不止

中寒門

陰寒直中少陰經腎官手足青黑陰寒直中腎

吐下利陰寒直中腎經兩脇作痛手足指甲盡青囊縮

終曲而臥陰寒直中腎經舌黑眼閉下身盡黑上身體

青大便出小便自遺一真中陰寒冷氣氣犯于小腹不從傳

經傷寒而自寒者

中暑門

中暑亡陽汗出不止立時氣脫中暑發狂氣

汗如雨下如喪神失守中暑循衣摸牀以手

空中暑猝倒心滿欲死中暑忽倒口吐白沫將欲

狂身如火燒紫莖屬然霍亂腹痛欲吐不能欲瀉不得

四肢厥逆身青囊絛 夏日感暑至生霍亂 產後忽中
風吐瀉 夏令火熱有一時感犯暑邪上吐下瀉立時
者死

水濕門

水氣凌心包之路呃逆不止 水濕結在膀胱點
滴不能出以致目突口張足腫氣喘 黃母一身

盡黃目赤黃 黃瘧之症原不宜死 產婦感水腫以致

面浮手足浮心脹 產婦痢疾加嘔逆 產婦一身發黃

產婦濕氣感中包絡下陰腫脹小水熱滴不出 產婦

水氣凌肺作喘不已

熱症門

熱病發狂如見鬼狀 人有火盛之極舌如芒刺
唇口開裂大渴呼飲 產婦產半月忽然大汗如

雨口渴渴舌乾發熱而躁有似傷寒者

燥症門

血燥肺乾又生癰疽 血崩之後口舌燥裂不能
飲食 燥症舌乾腫大渴血又便血 乾燥火熾

大腸陰虛糞如羊屎名為腸結 燥症乾甚小腸細小不

能出便腹甚 肺燥復耗必有吐血久成肺痿 燥極生

風手足牽掣 燥熱之極已成癰鬱之症不可起牀 燥

極目眦白血 燥極一身無肉噤乾面虛體無膏澤足心

反熱 燥症善驚腰不能俯仰丈夫癰疽婦人小腹痛月
 盲皆突 燥症咳嗽傷肺復加吐血吐膿 產後血燥而
 暈不省人事 產後大便燥閉欲解不能不解不可煩躁
 身熱 產後失血動血 產後血燥成瘵症 產後血崩
 不止口舌燥裂

內傷門

中風三條 心痛 脇痛 腹痛絞腸痧 陰陽
 脫症 脫症 怔忡二條 癆病癆虫尸氣 離
 魂 翻胃二條 失血 癰疽 中邪遇鬼 中惡 瘧
 眩 嘔吐 瀉症 喘症二條 消渴二條 夢遺 瘡
 症二條 痢症一條 陰蛾
 水蠱 氣蠱 虫蠱 血蠱

血症

腹痛

喉痛

氣鬱

癰疽

狂症

呆症

癰疽

斑疹

上陽

痢疾

五絕

砒毒

虎傷

湯火

火燒

湯池

癰疽并無名瘡毒

石室秘錄卷之六

數集

山陰陳士鐸遠公甫敬習

義烏金以謀孝芭氏訂增

雷真君親傳活人錄

傷寒門

雷公真君曰傷寒兩感隔經相傳每每殺人如第一日宜在太陽
第二日宜在陽明第三日宜在少陽第四日宜在太陰第五日宜
在少陰第六日宜在厥陰此順經傳也今第一日太陽即傳陽明
第二日陽明即傳太陰第三日少陽即傳太陰第四日太陰即傳
少陰第五日少陰即傳厥陰此過經傳也更有第一日太陽即傳

少陽第二日陽明卽傳太陰第三日少陽卽傳少陰第四日太陰卽傳厥陰此隔經傳也第一日太陽卽傳少陰第二日陽明卽傳太陰第三日少陽卽傳厥陰此兩感傳也順傳者原有生機至七日而病自愈過傳者有生有死矣隔傳者死多於生矣兩感而傳者三日水漿不入不知人卽死雖仲景張公立門原有治法然亦止可救其不死者而不能將死者而重生之也我今憫世人之枉死特傳二方一救過經傳之傷寒一救隔經傳之傷寒過經傳方名救過起死湯麻黃一錢柴胡一錢厚朴一錢石膏五錢知母一錢青蒿五錢半夏一錢黃芩一錢茯苓五錢炒梔子五分當歸三錢水煎服一劑卽生蓋過經之傳必然變症紛紜斷非初起之一

二日也所以方中不用桂枝以散太陽之邪止用麻黃以散其表
傷寒至三四日內熱必甚故以石膏知母爲君以洩陽明之火邪
陽明火一退而厥陰之木不舒則木以生火邪退者復聚故又用
青蒿柴胡梔子以涼散之木不自焚而各經之邪不攻自散况又
有茯苓之重用健脾行濕引火下行盡從膀胱而出之乎且黃芩
以清肺厚朴以逐穢半夏以清痰又用之咸宜五臟無非生氣矣
所以不必問其日數但見有過經之傳者卽以此方投之無不屢
更生也○隔經傳方名救隔起死湯人參五錢石膏五錢知母二
錢青蒿一兩柴胡二錢白芍三錢半夏一錢炒梔子三錢甘草一
錢水煎服隔經之傳必至三日而症乃明雖已過陽明而餘火未

散故少陰之火助其焰而少陽之火失其權若不仍用石膏知母則陽明之火勢不退而少陰之火勢不息也故必須用此二味爲主然徒用二味而太陰脾土不急爲救援則火極凌亢何以存其生氣故又用人參以助生氣但生氣既存而厥陰受邪則木氣乾燥勢必尅太陰之脾土僅存之生氣又安能保乎故又用柴芍梔蒿以涼散其木中之邪木之邪散則木氣得養自然不去尅土而太陰之氣生太陰土有生氣則陽明之火必消歸無有矣又何至焚燒自滅其少陰之臟哉况方中半夏清痰甘草和中又用之無不宜乎起死爲生實非虛語故一見有陽經之傳卽以此方投之必能轉敗爲功也或疑青蒿用之太多不知青蒿不獨泄肝火之

火尤能瀉陽明之焰且性靜而不動更能補陰火旺之時補陰重藥又不敗用惟青蒿借其攻中能補同人參兼用實能生陰陽之氣於無何有之鄉若但用人參止生陽氣而不能生陰氣矣陰生則陽火無權制伏之道實非世人所能測也○其兩感傳者近載天師已傳四方可以救死予不必再傳遠公固請奇方以救世我於第三日少陽與厥陰兩感水漿不入不知人者再傳一方以佐天師之未逮方名救臟湯人參一兩麥冬三兩當歸一兩天花粉三錢元參二兩白芍二兩荊芥二錢水煎服余方多當歸者助肝胆以生血也多加麥冬者救肺氣之絕以制肝胆之木使火不旺而血易生而後胃氣有養臟腑可救其壞也與天師方大同小異

各有妙用

傷寒發狂至登高而歌棄衣而走見水而入罵詈呼號不避親疎者去生遠矣仲景以竹葉石膏湯救之妙矣蓋陽明之火其勢最烈一發而不可救非用大劑白虎湯何能止其燎原之勢而世人畏首畏尾往往用之而特少其劑是猶杯水救車薪之焰也故用石膏必須至三四兩或半斤一劑煎服火勢始能少退狂亦可少止也然石膏性猛雖善退火未免損傷胃氣必須與人參兼用爲妙我今傳一方用白虎湯之半而另加藥味方名祛熱生胃湯石膏三兩知母三錢人參五錢元參三兩茯苓一兩麥冬三兩車前子五錢水煎服此方石膏知母以瀉胃火人參以生胃氣元參去

浮游之焰麥冬生肺中之陰茯苓車前引火下行於膀胱從小便
而出且大盛者口必渴口渴必多飲水吾用此二味以分濕則水
流而火自隨水而散矣方中瀉火又不傷氣似勝於白虎湯一劑
而狂定二劑而口渴減半三劑而口渴止火亦息正不必用四劑
也凡有火熱而發狂或汗如雨下口渴舌燥或如鉅刺者以此方
投之立效斷不至於死也

傷寒發斑死症也然而斑亦不同有遍身發斑者有止心窩內發
斑者遍身發斑症似重而反輕心窩發斑症似輕而轉重蓋遍身
發斑內熱已盡發於外心窩發斑熱存於心中而不得出必須用
化斑之藥以解其熱毒之在中也我有一方最神名起斑湯升麻

三錢當歸一兩元參三兩荊芥三錢黃連三錢天花粉五錢甘草
一錢茯神三錢水煎服火毒結於內必須盡精發出然內無血以
養心則心中更熱火毒益熾而不能外越也故用當歸元參以滋
心。中之血。用黃連以涼心中之火。天花粉以消心中之痰。然而無
開關之散則火藏於內而不得洩故又用升麻荊芥以發之甘草
扶神以和之自然引火出外而不內畜矣火既外越斑亦漸消又
何致于喪命哉

傷寒太陽症結胸證具煩燥者主死言不可下卽下而亦死也夫
結胸而加煩燥此胃氣之將絕也胃氣欲絕津液何生津液既無
心何所養故結胸而又煩燥所以症成不可治也雖然津液之竭

非五臟之自絕亦因結胸之故耳是必攻其中堅使結胸症愈而
津液自生。死症可望重甦也。我今傳一奇方名化結湯。天花粉五
錢枳殼一錢陳皮五分麥芽三錢天門冬三錢桑白皮三錢神曲
三錢水煎服一劑卽結胸開而津液自生也。此方用天花粉以代
瓜蒌不至陷胸之過。雖然天花粉卽瓜蒌之根也。最善陷胸而
無性猛之憂。枳殼消食寬中麥芽與桑白皮同用而化導更速神
曲陳皮調胃實有神功天門冬善生津液佐天花粉有水乳之合
世人未知也。天花粉得天門冬化痰化食殊有不可割離之效所
以既結者能開必死者可活若以大陷胸湯蕩滌之於已汗已下
之後鮮不速其死矣。

傷寒有臟結之症。載在太陽經中。其實臟結。非太陽經病也。然則仲景載在太陽經者。何故正辨太陽經有似臟結之一症。不可用攻。故載之以辨明也。臟結之症。小腹之內。與兩脅之旁。相連牽痛。以至前陰之筋。亦痛。重則有筋青而死者。此乃陰邪而結於陰地也。原無表症。如何可作表治。必須攻裏爲得。我有一方。專補其陰中之虛。而少佐之祛寒之味。則陰邪自散。而死症可生。方名散結救臟湯。人參一兩。白朮五錢。甘草一錢。附子一錢。當歸一兩。肉桂五分。水煎服。白朮利腰脅之氣。人參救元陽之絕。當歸活週身之血。血活而腰脅之氣更利也。甘草和中以定痛。附桂散寒以祛邪。臟中既溫結者自解矣。用攻於補之內。祛寒於補之中。其奏功爲

獨異耳

傷寒陽明症中有直視譫語喘滿者死而下利者亦死之文此必
症犯直視譫語而又喘滿下利一齊同見也苟有一症未兼尚不
宜死倘三症皆見明是死證矣雖然直視譫語之生多是胃火之
盛自焚其心而腎水不能來濟於是火愈盛而無制喘滿者火炎
而氣欲上脫也下利者火降而氣欲下脫也此猶欲脫未脫之危
症苟治之得法猶可望生吾有奇方名曰援脫散石膏五錢人參
一兩麥冬一兩白芍一兩竹茹三錢水煎服此方用人參以救脫
用石膏以平火用麥冬以平喘白芍以止利用竹茹以清心自然
氣不絕而可救也

傷寒壞症乃已汗已吐已下而身仍熱如火此不解之症也其時自然各死症紛見矣我用何法以生之乎夫已汗而不解者乃不宜汗而汗之已吐而不解者乃不宜吐而吐之已下而不解者乃不宜下而下之也于不宜汗而救其失汗于不宜吐而救其失吐于不宜下而救其失下固是生之之法然而終無一定之法也我今特傳奇方于三者之失而統救之名救壞湯人參五錢茯苓五錢柴胡一錢白芍一兩元參五錢麥冬五錢白芥子二錢當歸五錢陳皮五分水煎服此方妙在全不去救失吐失汗失下之症反用參苓歸芍大補之劑少加柴胡以和解之自能退火而生胃氣倘鑒其失吐而重吐之失汗而重汗之失下而重下之辟弱之軀

何能勝如是之摧殘哉必死而已矣故必用吾方而後死者可生也

傷寒少陰症惡寒身蹇而下利手足逆冷不治之病也蓋陰盛無陽腹中無非寒氣陽已將絕而又下利不止則陽隨利而出不死何待雖然陽氣將絕終非已絕也急用補陽氣之藥挽回於無何有之鄉則將絕者不絕方用人參二兩附子二錢甘草二錢乾姜二錢白朮一兩茯苓五錢水煎服方名救逆止利湯一劑而逆回二劑而利止三劑全愈矣此方用人參附子回元陽於頃刻以追其散失祛其陰寒之氣用白朮茯苓以分消水濕而仍固其元陽用甘草乾姜調和腹中而使之內熱則外寒不祛而自散又何有

餘邪之伏莽哉。自然寒者不寒而踰者不踰逆者不逆而利者不利也。寒踰逆利之盡去安得而不生乎。

傷寒少陰症吐利兼作又加煩悶手足四逆者死病也。上吐下瀉且兼煩躁則陰陽擾亂拂抑而無生氣可知。况加手足四肢之逆冷是脾胃之氣又將絕也。自是死症無疑然而治之於早未嘗不可救。如一見此等症急以人參二兩白朮二兩肉桂二錢丁香二錢瀉之尚可救耳。方名止逆奠安湯。人參救元陽之絕原有奇功。白朮救脾胃之崩實有至效。丁香止嘔肉桂溫中又能止瀉救中土之危亡奠上下之變亂轉生機於頃刻杜死禍於須臾。舍此方又何有別方哉。

傷寒少陰症下利雖止而頭眩昏暈亦是死症蓋陽雖回而陰已絕下多亡陰竟至陰絕原無救法雖然陰陽之道未嘗不兩相根而兩相生也。今因陰絕而諸陽之上聚於頭者紛然亂動所以眩冒陽欲脫而未脫夫陽既未絕補其陽而陽氣生陽生則陰之絕者可以重續陰生於陽之中也方用參桂湯人參二兩肉桂二錢煎服可救人參返陽氣於無何有之鄉是止能返陽氣也如何陰絕者亦能回之不知人參雖屬陽而中存陰氣陽居其八陰居其二陽既回矣陰氣亦從之而漸返肉桂雖是純陽之品而性走肝腎仍是補陰之聖藥故用之而成功也

傷寒少陰病四逆惡寒身踈脉不至不煩而躁本是死症而吾以

爲可救者何全在脉不至不煩而躁也。夫病至四肢之逆其陰陽之將絕可知。脉之不至未必非寒極而伏也。不然陽絕則心宜煩矣。而何以不煩但嫌其不煩而躁則陽未絕而將絕爲可畏耳。陽既欲絕則陰亦隨之而絕矣。故一補其陽陽回而陰亦回也。陰陽之道有一線未絕俱爲可救。譬如得餘火之星星引之可以焚林况真陰真陽非有形之水火也。乃先天之氣耳。一得接續便有生机。故一見此等之症急以生生湯救之可以重生。方用人參三兩附子三錢炒棗仁五錢水煎服此方得。人參以回其陰陽得附子以祛其寒逆加棗仁以安心則心定而躁可去躁定而脉自出矣。死中求生其在斯方乎。

傷寒少陰病六七日息高者死。息高見於六七日之間。明是少陰之症。而非太陽之症也。息高與氣喘大殊。太陽之症乃氣喘。氣喘本于邪盛。少陰之症乃息高。息高本于氣虛。而息高與氣喘終何以辨之。氣喘者鼻息粗大。息高者鼻息微小耳。此乃下元之真氣欲絕而未絕。牽連氣海之固。故上行而作氣急之狀。能上而不能下也。最危最急之候。方用止息湯。人參三兩。熟地三兩。牛膝三錢。麥冬二兩。破故紙三錢。胡桃仁一箇。乾姜五分水煎服。此方大補關元氣海。復引火之下行。絕不去祛寒逐邪。庶幾氣可回而息高者可平也。倘疑是太陽喘症。而妄用桂枝湯。殺人於頃刻矣。故必用止息湯救之。十人中亦可望生五。六人然。必須多服久服。始得。

苟或服一劑而輟止亦未能收功者又不可不知

傷寒少陰病脉微沉細但欲臥汗出不煩自欲嘔吐至五六日自利復煩躁不能臥寐者死症也傷寒而脉微沉細明是陰症况欲臥而不欲動乎汗已出矣內無陽症可知心中不煩時欲嘔吐此陽邪已散而陰邪作祟急宜祛寒爲是乃失此不溫至五六日而下利是上下俱亂也此時倘不煩躁則腎中之真陽未散今又加煩躁不得臥寐明是奔越而不可回之兆矣非死症而何然而其先原因失治以至於不可救非本不可救而成此擾亂之症也我有奇方名轉陽援絕湯用人參一兩白朮一兩炒棗仁一兩茯神五錢肉桂二錢水煎服一劑即可安臥而回春矣此方用人參以

救絕用白朮茯神以分消水濕而止下利又用肉桂以溫中而去
寒加棗仁以安心而解躁用之得宜自然奏功如响也

傷寒脉遲自然是寒。悞與黃芩湯以解熱則益加寒矣。寒甚宜不
能食。今反能食。病名除中。仲景爲是死症者何也。夫能食者是胃
氣有餘。如何反曰死症。不知胃寒而加之寒藥。反致能食者。此胃
氣欲絕。轉現假食之象。以欺人也。此不過一時能食。非可久之道。
病名除中者。正言其胃中之氣除去而不可留也。雖然此病雖是
死症。而吾以爲猶有生機。終以其能食。胃氣將除而未除。可用藥
以留其胃氣也。方用參苓湯加減。入參一兩。茯苓五錢。肉桂一錢。
陳皮三分。甘草一錢。水煎服。此方參苓健脾開胃。肉桂祛寒。陳皮

化食甘草留中相制得宜自然轉敗爲功而死者可重生矣。
傷寒六七日脉微手足厥冷煩躁炙厥陰厥不還者死此仲景原
文也夫傷寒陰症發厥炙其厥陰之經亦不得已之法原不及湯
藥之神也。炙厥陰不還聽其死者亦僅對貧寒之子而說以其不
能備參藥也。倘以參附湯救之。未有不生者。我今憐憫世人另傳
一方名還厥湯用白朮四兩附子三錢乾姜三錢水煎服一劑而
甦。凡見有厥逆等症卽以此方投之無不神效如响蓋白朮最利
腰膝陰寒之初入原從臍始。吾利其腰膝則腎宮已有生氣况佐
之附子乾薑則無微不達而邪又安留乎。况白朮健脾開胃中州
安奠四肢邊旁有不陽回頃刻者乎。

傷寒發熱下利又加厥逆中心煩躁而不得臥者死症也身熱未退邪猶在中今既發厥身雖熱而邪將散矣宜下利之自止乃不止而心中轉添煩躁不得臥此血乾而心無以養陽氣將外散也不死何待又將何法以生之亦惟有補元陽之氣而已矣方用參朮湯人參三兩白朮三兩炒棗仁一兩麥冬三錢水煎服此方參朮補氣氣足而血自生血生而煩躁可定況又佐之棗仁以安魂麥冬以益肺有不奏功如神者乎縱不能盡人可救亦必救十之七八也

傷寒發熱而能發厥便有可生之機以發厥則邪能外出也然厥可一二而不可頻頻況身熱而下利至甚如何可久厥而不止乎

其爲死症何疑。蓋下寒而上熱。鬱結於中。而陰陽之氣不能彼此之相接也。必須和其陰陽而通達其上下。則死可變生。方用人參三兩。白朮五錢。甘草一錢。蘇子乙錢。附子二錢。水煎服。此方通達上下。以和其陰陽之氣。自然厥止而利亦止。厥利既止。死可變生。倘服後而厥仍不止。則亦無藥之可救。正不必再與之也。蓋陰陽已絕。而上下之氣不能接續矣。

傷寒熱六七日。不下利。忽然變爲下利者。已是危症。况又汗出不止乎。是亡陽也。有陰無陽。死症明甚。吾何以救之哉。夫陽之外越。因於陰之內祛也。欲陰之安於中。而不外祛。必先使陽之壯於內。而不外出。急以人參三兩。北五味一錢。煎湯救之。可生。然而貧寒。

之子安可得參我另定一方用白朮三兩黃芪三兩當歸一兩北
五味一錢白芍五錢水煎服此方補氣補血以救陽氣之外越陽
回則汗自止汗止而下利未必遽止方中特用當歸白芍者正所
以止利也水瀉則當歸是所禁用下利非水瀉也正取當歸之滑
白芍之酸兩相和合以成止利之功況又有五味之收斂不特收
汗併且濇利若遇貧賤之子無銀備參者急投此方亦可救危亡
於頃刻

傷寒下利手足厥冷以致無脉急炙其關元之脉者以寒極而脉
伏非炙則脉不能出也今炙之而脉仍不出反作微喘此氣逆而
不下乃奔於上而欲絕也本是死症而吾以為可生者正以其無

脉也。夫人死而後無脉。今人未死而先無脉。非無也。乃伏也。灸之不還。豈真無脉之可還乎。無脉應死矣。而仍未死。止作微喘。是脉欲還而不能遽還也。方用人參一兩。麥冬一兩。牛膝三錢。熟地五錢。甘草一錢。附子一錢。名爲還脉湯。一劑而脉驟出者死。苟得漸漸脉出。可望生全矣。

傷寒下利後脉絕。手足厥冷。得時還脉。而手足盡溫者。生。此亦用灸法而脉還者也。然亦必手足溫者可生。正見陽氣之尚留耳。倘脉不還。則手足之逆冷終無溫熱之時。是陽不可返而死不可生矣。今將何以救之哉。不知脉之不返者。因灸法而不能返也。灸之力微。終不及藥之力厚。吾以人參三兩灌之。則脉自然驟出矣。夫

亦陰下利厥逆無脈者服白通湯惡脈之驟出茲厥陰下利厥逆
脈絕者用灸法欲脈之猝還一死一生者何也一用灸而一用藥
也可見用藥之能速出脈不于此益信乎吾所以用獨參湯救之
而可生也

傷寒下利日十餘行脈反實者死何也蓋下多亡陰宜脈之虛弱
矣今不虛而反實現假實之象也明是正氣耗絕爲邪氣所障邪
盛則正氣消亡欲不死不可得矣然則何以救之哉仍補其虛而
不必論脈之實與不實也方名還真湯人參一兩茯苓二兩白朮
一兩水煎服此方人參以固元陽茯苓以止脫瀉白朮以生真陰
陰生而陽長利止而脫固則正氣既強虛者不虛而後邪氣自散

實者不實也。假象變爲真虛則死症變爲真生矣。

產後感太陽風邪大喘大吐大嘔不治之症也。喘則元陽將絕。況大喘乎。吐則胃氣將亡。況大吐乎。嘔則脾氣將脫。況大嘔乎。產後氣血大弱。如何禁此三者。自是死症無疑。吾欲於死裏求生。將用何方以救之。仍然大補氣血而少加止吐止嘔止喘之藥。而太陽風邪反作末治而已矣。方用轉氣救產湯。人參三兩。麥冬三兩。白朮一兩。當歸一兩。川芎三錢。荆芥一錢。桂枝三分。水煎服一劑而喘轉嘔吐止。便有生機。否則仍死也。人參奪元氣于欲絕未絕之間。麥冬安肺氣于將亡未亡之候。白朮救脾胃之氣于將崩未崩之時。當歸川芎不過生血而已。荆芥仍引血歸經而兼散邪助桂

枝祛風而同入膀胱下行而不上逆也。方中酌量實有深意。非漫然或多或少而輕用之。大約此方救此症亦有七八人。生者總不可惜人參而少用之耳。

產後感冒風邪。是太陽之症。口吐膿血。頭痛欲破。心煩不止。腹痛如死。或作結胸。皆在不救。以產後氣血大虧。不可祛邪而病。又犯甚拙。不能直治其傷故耳。如口吐膿血者。血不下行而上行也。頭痛欲破者。血不能養陽而陽欲與陰絕也。心煩不止者。心血已盡。腎水不上滋也。腹痛如死者。腹中寒極。腎有寒侵。命門火欲外遁也。或作結胸。胃中停食不化。胃氣將絕也。諸症少見一症。已是難救。况一齊共見乎。必死無疑矣。予欲以一方救之。何也。蓋產後感

邪原不必深計。惟補其正而邪自退。予用佛手散多加人參而佐之。肉桂荊芥不必治諸症。而諸症自必皆去。當歸二兩。川芎一兩。人參三兩。荊芥二錢。肉桂一錢。一劑卽見功。再劑而全愈。蓋佛手散原是治產後聖方。加之人參則功力更大。生新去舊。散邪歸經。止痛安心。開胃消食。所以奏效皆神也。

產後感少陽風邪。譫語不止。煩躁不已。更加驚悸者。死。蓋少陽膽經也。膽中無汁。則不能潤心。心中無血。則不能養心。於是心中恍惚。譫語生矣。而煩躁驚悸相因而至。總皆無血之故。無血補血如何。卽是死症。不知胆木受邪。不發表則血無以生。然徒發表則血更耗散。顧此失彼。所以難救。然而非真不可救也。吾用佛手散加

減治之便可生全方用當歸二兩川芎一兩人參一兩炒棗仁一兩麥冬三錢竹茹一團丹砂一錢熟地五錢水煎服此方歸考生血以養心又加人參棗仁麥冬竹茹丹砂無非安心之藥而熟地又是補腎之妙劑上下相需心腎兩濟又何煩躁之不除驚悸之不定而謔語之不止者乎

產後感中陽明之風邪大喘大汗者亦不治蓋風邪入于陽明寒變爲熱故大喘大汗平人得此病原該用白虎湯而產婦血氣虧損如何可用乎雖然大補產婦之氣血而兼治陽明之邪火未必不降而大喘大汗未必不除也方用補虛降火湯麥冬一兩人參五錢元參五錢桑葉十四片蘇子五分水煎服此方人參麥冬補

氣元參降火桑葉止汗蘇子定喘助正而不攻邪退邪而不損正
實有奇功也

產後感陽明之邪發狂亡陽者不救之症也狂症多是實熱產後
發狂又是虛熱矣實熱可瀉火而狂定虛熱豈可瀉火以定狂哉
然吾以爲可救者正以其亡陽也亡陽多是氣虛雖實熱而氣仍
虛也故瀉實熱之火不可不兼用人參況產後原是虛症乎大約
亡陽之症用藥一止汗便有生機吾今不去定狂先去止汗方用
收陽湯人參三兩桑葉三十片麥冬二兩元參一兩青蒿五錢水
煎服一劑而汗止再劑而狂定不可用三劑也二劑後即單用人
參麥冬北五味當歸川芎調理自然安也此方止可救亡陽之急

症而不可據之爲治產之神方。蓋青蒿雖補未免散多於補。不過借其散中有補以祛胃中之火。一時權宜之計。倘多服又恐損產婦氣血矣。所以二劑後必須改用他方。

妊婦臨月忽感少陰經風邪惡寒。踰臥手足冷者。不治之症也。少陰腎經也。無論傳經至少陰與直中。人少陰者得此症多不能治。蓋少陰腎經宜溫而不宜寒。今風寒人之則命門之火微而腎官無芽。寒氣勢必子宮亦寒。手足冷者脾胃寒極之兆也。脾胃至於寒極不死何待。而吾以爲可生者。以胎之未下也。急以溫熱藥救之。方名散寒救胎湯。人參一兩。白朮二兩。肉桂一錢。乾姜一錢。甘草一錢。水煎服一劑而寒散不惡寒矣。再劑而手足溫不踰臥矣。

三劑全愈。夫人參白朮所以固氣。肉桂乾姜所以散寒。甘草和中。亦可已矣。不知肉桂乾姜雖是散寒。用之於臨月之時。何愁胎墮。然畢竟二味性甚猛烈。得甘草以和之。則二味單去祛腹中之寒。而不去催胎中之子。助人參白朮以掃除。更有殊功耳。豈漫然而多用之哉。

妊婦臨月。感少陰經症。惡心腹痛。手足厥逆者。不治。亦以寒入腎。宮上侵於心。不獨下侵於腹已也。較上症更重。夫腎水滋心。何以反至。尅心蓋腎之真水。心藉之養。腎之邪水。心得之亡。今腎感寒。邪挾腎水。而上凌於心。故心腹兩相作痛。手足一齊厥逆。此候至急至危。我將何術以救之。亦仍治其少陰之邪而已。方用回陽救

產湯人參一兩肉桂一錢乾姜一錢白朮五錢甘草一錢當歸一兩水煎服此方妙在加當歸益少陰之邪。敢上侵於心者。欺心中之無血也。用當歸以補血。助人參之力以援心。則心中有養而肉桂乾姜無非祛寒蕩邪之品。况又有白朮甘草之利腰臍而調心腹乎。自然痛止而逆除矣。仲景謂子生則可治。用獨參湯以救之。亦救之於生子之後。而非救之於未生子之前也。子未生之前。當急用吾方。子既生之後。當急用仲景方。

產婦臨月忽感少陰症者。急以人參白朮大劑溫之。不應則死。此仲景之文也。似乎舍人參白朮無可救之藥矣。吾以爲單用人參白朮尚非萬全。苟用人參白朮不應。急加入附子肉桂乾姜。未必

不應如响也。吾今酌定一方，名全生救難湯。人參二兩，白朮一兩，附子一錢，甘草五分。水煎服，可治凡感少陰經之邪者，神效。

產婦三四日至六七日，忽然手足踈臥，息高氣喘，惡心腹痛者，不救此症，蓋感少陰之寒邪而在內之真陽，逼越於上焦。上假熱而下真寒也。倘治之不得法，有死而已。急用平喘祛寒散，人參二兩，麥冬五錢，肉桂二錢，白朮三兩，吳茱萸五分水煎服，一劑喘止，二劑痛止。此方亦補氣反逆之聖藥，祛寒定喘之神方。但服之不如法，往往債事。必須將藥煎好，俟其微寒而頓服之。蓋藥性熱而病大寒，所謂直順其性也。

產婦半月後至將滿月，亦患前症，又不可用前方矣。當改用護產

湯人參五錢茯苓五錢附子一錢白朮五錢當歸一兩熟地一兩
山茱萸五錢麥冬五錢牛膝一錢水煎服蓋產婦已產至半月以
後與將滿月不比新產血氣之大虧也故參可少用而補陽之中
又可用補陰之劑有附子以祛寒何患陰滯而不行哉

產婦產後手足青一身黑不救此陰寒之最重而毒氣之最酷者
也原無方法可以回生然見其未死而不救毋寧備一方救之而
不生吾今酌定一方名開胃散黑湯人參四兩白朮四兩附子一
錢當歸一兩肉桂三錢水煎服此方服下手足之青少退身不黑
便有生機否則仍死也蓋毒深而不可解寒結而不可開耳

產後足純青心下痛雖較上症少輕而寒毒之攻心則一故亦主

死以前方投之。往往多效。不比一身盡黑者之難救也。蓋此症由下而上一散其下寒而上寒即解。所以易於奏效。

產後少陰感邪。腎水上泛。嘔吐下利。真陽飛越者。亦死症也。蓋產婦腎水原枯。如何上泛而至嘔吐。不知腎水之泛濫。因腎火之衰微也。火爲寒所祛。水亦隨寒而趨。此症犯在平人。尚然難救。况產婦乎。而晉以爲可救者。有腎水之存耳。急用補陽之藥。入於補陰之中。引火歸原。水自然下行。而不致上泛。方用補火引水湯。人參五錢。白朮一兩。熟地一兩。山茱萸五錢。茯苓一兩。附子一錢。肉桂三錢。車前子一錢。水煎服一劑。而腎水不泛濫矣。此方大補命門之火。仍於水中補之。故水得火而有歸途。火得水而有生氣。兩相

合而兩相成也

產後四五日忽感風邪發厥者外症也厥症多是熱而產後發厥豈有熱之理是熱亦虛熱也欲治厥而身虛不可散邪欲清熱而身虛不可用涼所以往往難治謂是死症而實非盡是死症也我定一方名轉厥安產方當歸一兩人參一兩附子一錢水煎服一劑卽厥定而人生矣蓋產後發厥乃陽氣既虛而陰血又耗復感寒邪以成之者也我用人參以回元氣於無何有之鄉用當歸以生血於敗瘀未復之後用附子以祛除外來之邪故正回而邪散血生而厥除也

產後吐衄虫者不治之症也以胃氣將絕虫不能安身耳夫衄虫

在人之胃中太寒不居太熱亦不居今產後吐虵必在發厥之後其吐虵也必然盡情吐出非偶然吐一條也更有成團逐塊而吐出者真是惡症吾欲生之何也正因其吐虵之尚可生也蓋人臟既絕虫亦寂然今紛然上吐是胃中尚有氣以逼迫之吾安其胃氣則虫自定而人可生方川安虵救產湯人參一兩白朮一兩樵子仁一兩白微三錢肉桂一錢神麴五分水煎服一劑而虵定矣此方參朮以生胃氣樵子白微肉桂以殺虫所以奏功獨神耳產後口吐血膿又復發斑此千人中偶一有之本是不救然治之得法亦有不死者此症蓋因夏月感受暑熱之氣未及發出一至生產而火毒大彰又因身虛而火勢猶不能一時盡發故口吐血

血以妄行而身生斑點以拂亂也。論理產後不宜用涼藥化斑。然此等症又不得不用涼藥爲權宜之計。吾今酌定一方名爲化火救產湯。人參五錢當歸一兩川芎五錢麥冬五錢荊芥三錢元參一兩升麻一錢水煎服一劑而血膿止再劑而斑稀三劑而斑化矣。不可用四劑也。三劑後當改用佛手散大劑多飲自無後患。否則恐有變寒之患。吾方原不大寒。卽變寒而可救。倘從前一見斑卽用黃連解毒之藥以救一時之急。及至熱退寒生。徃徃有寒戰而死者。涼藥可輕用乎。故寧可服吾方以漸退斑而緩降血。不可用霸藥以取快於一時也。

產後患厥陰症嘔吐兩脇脹滿者必便血不治之症也。蓋傷肝而

血乃下行本無血而又傷血豈有不死之理而吾必欲救之將特
何法乎正因其便血耳倘肝受風邪而不下行則邪留兩脇反是
腹心之病今血盡趨大便而出是肝中之邪散吾清其大腸之火
似可奏功矣但產婦宜溫補不宜清理用涼藥以消其火非所以
救產後之婦也不知火之有餘乃水之不足大補其水則火自消
歸無有矣方用平肝救血湯當歸一兩川芎五錢麥冬一兩三七
根末一錢水煎服一劑而血止兩脇之脹滿亦除矣又何至上嘔
食而下便血哉

產後下利厥逆喘不得臥或厥不得止俱是死症蓋下利則亡陰
厥逆則亡陽已是難救况躁不得臥是血無以養心矣而厥更不

止則汗出又無已也欲不死得乎我欲於死中求生令人參當歸
無別藥也方名參歸湯人參二兩當歸二兩荊芥一錢水煎服用
參歸補氣血以生新則舊血可止舊血止而新血益生自然有血
以養心厥可定而心可安躁可釋也

中寒門

雷公真君曰陰寒直中少陰經腎中手足青黑者不治之症也蓋
陰毒結於脾胃之間而腎中之火全然外越如何可救然而心
尚不痛則心中尚有星星餘火存於其中急用救心蕩寒湯人參
三兩良薑三錢附子三錢白朮三兩水煎服助心中之火不使遽
絕則相火得君火之焰而漸歸火勢既旺寒邪失威自然火生土

而脾胃之氣轉一陽來復大地皆陽春手足四肢盡變溫和矣此方妙在良姜入心同附子斬關直入然非參朮之多用亦不能返元陽於無何有之鄉也故必須多用而共成其功耳

陰寒直中腎經面青鼻黑腹中痛欲死裏縮較前症更重矣死亡頃刻救之少遲必一身盡黑而死急用救亡丹人參五錢白朮三兩附子一箇乾姜三錢肉桂五錢水煎急灌之吾方似較仲景張公之用熱更重不知此症全是一團死氣現于身之上下若不用此等猛烈大熱重劑又何以逐陰寒而追亡魂祛毒氣而奪陽魄哉故人參反若可少用而附桂不可不多用也然而白朮又何以多用之耶不知白朮最利腰膈腹痛欲死非此不能通達故多用

之以驅駕桂附以成其祛除掃蕩之功。而奏返魄還魂之效耳。
陰寒直中腎經心痛欲死嘔吐不納食不利清水本是不治之病。
蓋寒邪犯心而脾胃將絕急不待時此時宜藥緩不濟事速用針。
刺心上一分出紫血少許然後用逐寒回魂湯救之人參一兩良。
姜二錢附子五錢茯苓五錢白朮三兩丁香一錢此方專入心以。
逐邪返元陽於頃刻心君定而諸邪退去脾胃自安不至上下之。
逆庶可重生否則因循觀望必至身死矣。

陰寒直中腎經兩脇作痛手足指甲盡青囊縮拽之而不出踈曲。
而臥亦不治之症也此乃陰寒從腎以入肝而肝氣欲絕而筋先。
受病將死也雖症較前三症少輕而能死人則一余又將何法以。

生之乎夫肝木之絕由於腎氣之先絕欲救肝不得不先救腎方
用救腎活肝湯白朮三兩當歸一兩人參五錢熟地一兩山茱萸
五錢附子一錢肉桂二錢水煎服此方祛寒之中仍用回陽之藥
然加入熟地山茱萸則參朮無過燥之憂附桂有相資之益肝得
火而溫亦得水而養自然筋活而青去囊寬而縮解也

陰寒而面中腎經舌黑眼閉下身盡黑上身盡青大便出小便自
遺此更危急之症雖有仙方恐難全活而予必欲生之因定一方
雖不敢曰人盡可救亦庶幾於十人中而救一二人乎方名心救
湯人參五兩附子一箇白朮半斤肉桂一兩菖蒲五分良薑三錢
水煎服此方參朮多用者恐少則力量不能勝任以駕御夫桂附

之熱藥也。故必多加。而後可望其通達上下。以盡祛過身之寒毒。倘得大便止而小便不遺。便有生機。再進一劑。則服開而舌黑可去。身黑身青俱可盡解也。苟服藥後。仍前大小便之不禁。不必再服藥。聽其身死而已矣。大約此方救此病十人中。亦可救三四人。凡人直中陰寒。冷氣犯於小腹。不從傳經傷寒。而自寒者。命曰直中陰經。陰經者。少陰腎經。其症必畏寒。腹痛作嘔。手足厥逆。有手足俱青。甚則筋青囊縮。若不急以溫熱之藥治之。有立時而死者。最可懼之症也。方用蕩寒湯。白朮三兩。肉桂三錢。丁香一錢。吳茱萸一錢。水煎服一劑。而陰消陽回。不必再劑也。此方妙在獨用白朮。至三兩。則腰膈之氣大利。又得肉桂以溫熱其命門之火。丁香

吳茱萸止嘔逆而反厥逆則陰寒之邪何處潛藏故一劑而同春也

中暑門

雷公真君曰中暑亡陽汗出不止立時氣脫者死症也蓋亡陽則陽氣盡從汗出故氣盡而死法當急補其陽氣則陽氣接續陰氣而不至有遽脫之憂用獨參湯妙矣而貧家何從得參不若以當歸補血湯用當歸一兩黃芪二兩加桑葉三十片救之蓋二味價廉而功亦不亞於人參且桑葉又有補陰之功無陰則陽不化黃芪補氣得當歸則補血得桑葉則尤能生陰也

中暑發狂氣喘汗如雨下如喪神失守亦死亡頃刻也蓋熱極

水以養神。心中自焚。逼汗於外。亡陽而且失神也。急宜用白虎湯收之。然少亦不濟也。必須石膏用四兩。人參亦用四兩。加黃連三錢。水煎服一劑而神定。二劑而汗止矣。或疑心中無水而身何以有汗。不知發狂之症。口未有不渴者。口渴必飲水。自救水入腹中。不行心而行脾。脾必灌注於肺。肺主皮毛。故從外泄。然則汗乃外來之水。非內存之液也。況汗從外泄。陽氣亦從之而出。陽出而心中之陰氣亦且隨之而散亡。所以喪神失守耳。吾以黃連平其心火。石膏除其胃火。而大加人參以救其亡陽之脫。庶幾火散而正氣獨存。神存而外邪皆失也。

中暑循衣摸牀。以手撮空。本是死症。然而可救者。以暑氣之在心。

解。心。中。之。熱。則。五。臟。卽。有。生。氣。方。用。獨。參。湯。三。兩。加。黃。連。三。錢。灌。之。而。循。衣。摸。牀。撮。空。等。症。遂。止。者。卽。生。蓋。人。參。救。心。氣。之。絕。而。黃。連。散。心。中。之。火。火。散。氣。回。其。生。也。必。矣。

中。暑。猝。倒。心。痛。欲。死。者。不。治。之。症。也。暑。氣。最。熱。而。心。乃。火。宮。以。火。入。火。何。以。相。犯。而。竟。至。心。痛。欲。死。也。不。知。心。火。君。火。也。暑。火。邪。火。也。邪。火。凌。心。與。邪。水。浸。心。原。無。彼。此。之。異。故。寒。暑。之。氣。不。犯。則。已。犯。則。未。有。不。猝。然。心。痛。者。也。心。君。至。靜。有。膈。中。之。間。隔。犯。心。者。犯。膈。中。也。邪。犯。膈。中。便。猝。然。心。痛。此。時。卽。以。祛。暑。之。藥。直。引。入。膈。中。則。暑。散。火。退。而。心。君。泰。然。也。方。用。散。暑。救。心。湯。青。蒿。一。兩。黃。連。三。錢。人。參。三。錢。茯。神。五。錢。白。朮。三。錢。香。薷。一。錢。藿。香。五。錢。半。夏。一。錢。

水煎服一劑而痛即止此方神效者妙在青蒿同用直入膈中逐暑無形所以止痛如响耳

中暑忽倒口吐白沫將欲發狂身如火燒紫斑爛然者多不可救而予謂有一線可救者正以其紫斑之發出也倘不發出則火毒內藏必至攻心而亡今嫌其斑雖發出而其色純紫則毒氣太盛恐難化耳方用救斑再甦湯元參三兩升麻三錢荊芥三錢黃連三錢黃芩三錢麥冬三兩天冬一兩青蒿一兩水煎服一劑而斑色變紅再劑而斑紅變淡三劑而斑色盡消使慶再甦也否則終亦必亡而已矣

夏日感暑至生霍亂欲吐而不能吐不可最急之病也用香薷

飲亦得生然有用之而不納隨飲卽吐尤爲至凶法當從治我有妙方名轉治湯白朮三錢茯苓三錢芍藥五錢藿香一錢紫蘇五分陳皮五分天花粉一錢肉桂五分香薷五分白豆蔻一粒水煎冷服下喉卽納霍亂卽定矣此方之妙妙在用芍藥爲君而佐之白朮茯苓則肝氣自平不來下尅脾土則霍亂自定況又有解暑之藥乎尤妙在用肉桂香薷霍香溫熱之藥順暑熱之氣引邪下行而暗解紛紜此實有神鬼不測之機而用之於刀圭之內也霍亂腹痛欲吐不能欲瀉不得四肢厥逆身青囊縮必死之症也予亦何必再爲立方然而其人一刻不亡豈可聽之而不救乎此症乃下虛寒而上感暑熱之氣陰陽拂亂上下不接最危最急之

漢法當用陰陽水探吐之。若不應急以救亂湯治之人參五錢香
需三錢吳茱萸三錢茯苓三錢白朮三錢附子五分藿香一錢木
瓜三錢水煎服下喉而氣即回矣。真治乾霍亂之神方也。若
亂又不可用此方。用白朮五錢香需一錢青蒿五錢茯苓五錢陳
皮一錢砂仁三粒一劑即回春也。

產後忽感中暑霍亂吐瀉法在不救然而亦有用藥救之而能生
者。總不可用香需也。方用消暑活產丹人參一兩當歸二兩川芎
一兩肉桂二錢青蒿一錢水煎服一劑即愈。蓋產婦止補氣血氣
血既回暑氣自散。况方中又有祛寒解暑之味乎。所以奏功獨神
也。或疑感暑是熱。胡爲反用肉桂。不知產婦氣血大虛。遍身是寒。

一感暑氣便覺相拂非有大熱之氣深入腹中也不過畧聞暑氣與本身之寒兩相攻擊以致霍亂今仍用肉桂以溫其虛寒以青蒿而解其微暑用之於大劑補氣補血之中是以駕御而不敢有變亂之形此立方之妙而建功之神也又何必疑哉

夏令大熱陳石流金人有一時感犯暑邪上吐下瀉立刻死者最可懼之症也切勿輕用香薷飲亦莫妄用白虎湯我有一方名曰解熱消暑散青蒿一兩乾葛一錢香薷一錢茯苓一兩白朮三錢白扁豆二錢陳皮一錢治之即安此方妙在用青蒿茯苓爲君青蒿最能解暑而去熱一物而兩用之引其暑熱盡從膀胱而出而乾葛香薷之類不過佐青蒿以去暑也尤妙少用白朮以健脾胃

之氣則暑熱退而胃氣不傷勝於香薷飲多矣

水濕門

雷公真君曰水氣凌心包之絡呃逆不止死症也而吾以爲可救者心包爲水氣所凌性惡犯心所以呃逆不止者欲號召五臟之氣共救水氣之犯心也水氣凌心包以成呃逆之症亦止須分消其水濕之氣而呃逆自除也方用止呃湯茯神一兩蒼朮三錢白朮三錢薏仁一兩芡實五錢半夏一錢人參三錢陳皮一錢丁香五分吳茱萸三分水煎服一劑而呃即止二劑而呃即愈此方健胃固脾雖利濕分水而不消真氣故能補心包而壯心君之位不必治呃而呃自定矣

水濕結在膀胱點滴不能出以致目突口張足腫氣喘者不治之
症也而吾以為可治者膀胱與腎為表裡膀胱之開闔腎司權也
水濕結在膀胱者腎氣不能行於膀胱耳吾通其腎氣而膀胱自
通矣日愈矣方用通腎消水湯熟地一兩山茱萸五錢車前子
三錢黃連五錢肉桂乙錢牛膝一錢山藥一兩薏仁一兩水煎服
此方專治腎以通膀胱之氣膀胱得腎氣而水自藏水不能藏
而下行則氣亦自順而不逆又何至有目突氣喘之病哉上病漸
消而下病尋愈足腫之水不覺盡歸於膀胱從溺而盡出也
黃痺之症一身盡黃兩目亦黃却是死症倘初起即治之亦未必
即死也我有奇方名為消黃去痺湯茵陳三錢薏仁三兩茯苓二

兩車前子三兩肉桂三分水煎服一連四劑黃去瘰消矣黃瘰雖成於濕熱畢竟脾虛不能分清水濕以致鬱而成黃吾用茯苓薏仁車前大劑爲君分消水濕仍是健脾胃氣之藥少用茵陳以解濕熱用肉桂引入膀胱盡從小便而出無事張皇而暗解其濕熱之橫此方之澹而妙簡而神也四劑之後減半加白朮一兩煎湯飲之再用四劑則全愈而無後患矣

黃瘰之症原不宜死然治之不得法往往生變爲死蓋黃瘰外感之濕易治內傷之濕難醫外感單治濕而瘰隨愈內傷單治濕而瘰難痊。瀉水則氣愈消發汗則精愈泄又何能黃瘰之速愈哉我有方單治內傷而得黃瘰者名治內消瘰湯白朮一兩茯苓一兩

薏仁一兩茵陳二錢炒梔子二錢陳皮五分水煎服此方妙在用
白朮茯苓薏仁之多使健脾又復利水助茵陳梔子以消濕熱盡
從膀胱內消不必又去退皮膚之濕而皮膚之濕自消大約此方
用至十劑無不消者不必十劑之外服十劑減半去梔子再服五
劑則全愈人亦健旺矣至妙至神之方有益無損可爲治內傷而
感濕者之法

產婦感水腫以致面浮手足浮心脹者不治之症也然而此浮非
水氣也乃虛氣作浮耳若作水濕治之必死矣吾今不治水濕單
去健脾反有生意方用助氣分水湯白朮二兩人參三兩茯苓五
錢薏仁一兩陳皮五分清酒子三分水煎服此方參苓薏朮皆健

脾之聖藥陳皮羅藟于些微以消其脹脾氣健而水濕自行而脹自去脹去而浮亦漸消矣但此方須多食見效不可一劑而即責其近功也

產婦痢疾而加之嘔逆者必死之症也蓋痢疾亡陰平人尚非所宜何況產婦氣血之大虛乎今又加嘔逆則胃中有火遏抑拂亂而氣血更虛勢必至胃氣之絕不死何待乎然而胃氣有一線未絕即可救授吾有一方不必服藥止須將田螺一箇搗碎入麝香一釐吳茱萸一分爲細末掩在臍上即不嘔吐便慶再生蓋田螺最利水去火痢疾本是熱症而又加濕也產婦痢疾因氣血之虛不可竟用祛熱散火之藥以虛其虛今用田螺外治法至巧也嘔

逆一回速以當歸一兩白芍三錢甘草一錢枳壳三分檳榔三分
水煎服二劑而痢自除後用獨參湯調理可也

產婦一身發黃者濕熱壅滯而不散欲治黃而氣血更消欲補虛
而濕黃更甚此方法之窮而醫人束手亦聽其死亡而已矣雖然
濕熱之成原本於虛補虛以治黃病未爲不可但宜兼治之得法
耳吾有一方治因虛而發黃者神效不獨治產婦也方名補虛散
黃湯白朮一兩薏仁二兩車前子五錢茯苓五錢荆芥一錢茵陳
五分水煎服常人非產婦者茵陳用三錢此方之妙健脾以利水
而不耗氣既補虛又去濕濕去而黃不退者未之有也
產婦濕氣感中胞絡下陰腫脹小水點滴不出死症也蓋水入腹

中必趨膀胱而出之小便今不由膀胱而盡入於胎胞之絡是相反不相順也。如何不死乎。然則子將何法以救之。亦仍利膀胱而已。夫膀胱之能化水者得腎氣以化之也。產婦氣血大虛則腎氣亦虛。腎氣虛則膀胱之氣亦虛。膀胱氣虛故不化水而水乃入於胎胞而不散。故利急而後腫。腫極而水點滴不出也。吾今不獨治膀胱而先治腎。腎氣足而膀胱之氣自行。水道自順也。方用通水散。白朮一兩。熟地一兩。茯苓三錢。山茱萸五錢。薏仁一兩。肉桂五分。車前子三錢。人參一兩。水煎服。此方補腎而兼補心。蓋胎胞上連心下連腎。吾補其心腎則胎胞之氣通。自不受水而轉輸於膀胱矣。況膀胱又因腎氣之通自能化水而分消於大小腸下趨於

便門而出。此實有妙用。非泛然以立方也。

產婦水氣凌肺作喘不已者。亦是死症。然治之得法。正不死也。產婦因虛以受水氣。原不可全治。夫水也。雖作喘不已。似爲水氣所犯。然徒治其水。則喘且益甚。而治之之法。將若何。亦助其脾氣之旺。使之無畏乎水。則水自不能凌脾。脾不受凌。喘將何生。乎方用補土寧喘丹。人參一兩。白朮二兩。麥冬一兩。茯苓二錢。蘇子一錢。水煎服。此方人參補氣以健脾。白朮利腰以健脾。麥冬養肺以健脾。茯苓蘇子不過借其佐使。以行水止喘而已。然而治喘實有神功也。脾健則土旺。土旺則水不敢泛濫。何至有脹喘之生哉。

熱症門

雷公真君曰熱病發狂如見鬼狀者死症也與熱病不知久近復

者館注

相同然而熱症同而死症異也發狂如見鬼狀者實熱也熱病不

知人者虛熱也實熱宜瀉火虛熱宜清火熱極而至發狂大約陽

明之火居多火熱燔燒自己之心亦焚心中自焚則心之神外越

而見鬼矣非如見鬼也乃實實見鬼耳人至見鬼與死為隣矣將

用藥以救之平方用火齊湯石膏一兩元參三兩人參二兩知

母一黃連三錢茯神一兩白芥子三錢水煎服此方石膏以降

胃火元參以降浮游之火知母以降腎火黃連以降心火茯神以

清心引諸火從小便而泄出白芥子以消痰則神清而心定然非

多加人參則胃氣消亡又安能使諸藥之降火哉此方之所以妙

而神也一劑而在止再劑而不見鬼矣三劑而火全退也熱病不知人者雖亦陽明之火然非盡陽明之火也乃肝氣鬱悶木中之火不得泄於是木尅胃而胃火亦旺熱氣薰蒸心中煩亂故不知人然神尚守於心中而不至於外越也方用開知湯白芍一兩當歸一兩甘草三錢石膏一兩柴胡一錢炒梔子五錢白芥子三錢菖蒲三錢麥冬一兩水煎服此方用歸芍以滋肝用柴胡以開鬱用石膏梔子平胃肝之火用白芥子麥冬消痰清肺用菖蒲啓心中之迷自然熱去而心安又何至悶亂不知人哉故一劑頓解二劑全愈也

人有火盛之極舌如芒刺唇口開裂大渴呼飲雖非傷寒之症所

得而入患此病卽不身熱亦去死不久也白虎湯亦可收但過於太涼恐傷胃氣。往往有熱退而生變。仍歸於亡故白虎湯不可輕投也。我有一方名曰清涼散。元參二兩。麥冬一兩。甘菊花五錢。青蒿五錢。白芥子三錢。生地三錢。車前子三錢。水煎服此方妙在元參爲君以解上焦之煩。麥冬爲臣以解肺中之熱。甘菊青蒿爲佐以清胃中之火。尤妙車前子白芥子生地爲使。或化寒或涼血。盡從膀胱以下瀉其大熱之氣。是上下之間無非清涼而火熱自散。又不損胃故能扶危而不至生變也。

產婦產半月忽然大汗如雨。口渴舌乾發熱而躁。有似傷寒症者。死症也。若作傷寒治之無不死矣。此乃內水乾枯無血以養心陽。

氣無陰不化。乃發汗亡陽而身熱耳。故口雖渴而不欲飲水。舌雖乾而胎又滑甚。心躁而不至發狂。此所以異於傷寒之外症也。此時急用人參二兩當歸二兩黃芪二兩桑葉三十片北五味一錢麥冬五錢水煎服。方名收汗丹。參歸黃芪大補其氣血。麥冬五味清中有澁。佐桑葉止汗。實有神功。蓋此等虛汗非補不止而非澁亦不收也。故一劑而汗止。二劑而汗收起。死回生。非此方之謂乎。

燥症門

雷公直君曰。血燥肺乾。又生癰疽者。多不可救。恐無血以濟之也。此等病多得之膏粱之人。縱情房帟。精血大耗。又忍精而戰。精不化而變為膿血。乃陰毒非陽毒也。如以治陽毒法治之。則死矣。我

今特留奇方名化癰湯金銀花五兩荊芥二錢白芥子三錢肉桂
三分當歸二兩元參三兩水煎服一劑而陰變陽矣二劑而未潰
者全消已潰者生肉三劑即愈四劑收功神效之極倘瘡口大潰
大爛已成壞症者肯服吾方亦斷無性命之憂堅守長服斷必收
功蓋此方消毒而不散氣尚補而不尚攻治陰毒之癰疽實有鬼
神莫測之妙

血崩之後口舌燥裂不能飲食者死蓋亡血自然無血以生精精
涸則津亦涸必然之勢也欲使口舌之乾者重潤必須使精血之
竭者重生補精之方六味丸最妙然而六味丸專補腎中之精而
不能上補口舌之津也雖補腎於下亦能通津於上然終覺緩不

濟急我今定一奇方上下兼補名上下相資湯熟地一兩山茱萸
五錢葳蕤五錢人參三錢元參三錢沙參五錢當歸五錢麥冬一
兩北五味二錢牛膝五錢車前子一錢水煎服此方補腎爲君而
佐之補肺之藥子母相資上下兼潤精生而液亦生血生而津亦
生矣安有已死之症不可慶再生耶

燥症首乾肺大溺血大便又便血不止亦是死症蓋夏感暑熱之
毒子熱而燥極肺金清肅之令不行大小便熱極而齊便血也論
理見血宜治血矣然而治血血偏不止反至燥添而不可救吾不
治血專治燥方用兼潤九熟地一兩元參二兩麥冬二兩沙參二
兩車前子五錢地榆三錢生地五錢當歸一兩白芍一兩水煎服

一劑輕二劑血止便有生機也此方純是補血妙品惟用地榆以清火車前子以利水火清水利不必治血血自止也

乾燥火熾大揚陰盡遂至糞如羊屎各爲腸結不治之症也然而陰盡卽宜死今不死而腸結是陰猶未盡也真陰一日不盡則一日不死一線不絕則一線可生吾有奇方專補其陰使陰生而火息陰旺而腸寬也方用生陰開結湯熟地二兩元參一兩當歸一兩生地五錢牛膝五錢麥冬五錢山茱萸五錢山藥三錢肉從容五錢酒洗淡水煎服一連數劑腸結可開糞卽不如羊屎矣可望再生然必須日日一劑三月終改用六味地黃湯或不用湯而用丸調理歲餘永無腸結之苦也

燥症乾甚小腸細小不能出便脹甚欲死者亦不治之症也而我
欲治之者何蓋小腸之開闔小腸不得而司令腎操其權也倘徒
治小腸則小腸益虛失其傳道之官而脹且益甚我今不治小腸
而專治腎則腎氣開小腸亦開也方名治本消水湯熟地二兩山
茱萸一兩車前子五錢麥冬一兩北五味二錢茯苓五錢牛膝三
錢劉寄奴三錢水煎服一劑少通再劑腸寬小便如注矣方用熟
地山茱萸以補腎麥冬五味補肺氣以使清肅之氣下行於膀胱
茯苓車前分消水勢牛膝寄奴借其迅速之氣導其下行而不使
上壅此氣通水亦順也

肺燥復耗之必有吐血之苦久則成肺痿矣如何可治然我乘其

未痿之前而先治之何盡至於死乎方用救痿丹麥冬三兩元參
三兩金銀花三兩白芥子三錢桔梗三錢生甘草三錢水煎服此
方專資肺氣雖用金銀花之解毒仍是補陰之妙藥故肺痿可解
而吐血之症又不相犯倘專治肺痿則肺痿未必愈而血症重犯
不可救藥矣故必用吾方而肺痿可愈也

燥極生風手足牽掣者死症也蓋脾胃乾枯不能分蔭於手足故
四肢牽掣而動風生於火肝木又加燥極復來尅土則脾胃更虛
愈難滋潤於手足而牽掣正無已時也方用潤肢湯人參一兩元
參一兩當歸一兩白芍一兩炒梔子三錢麥冬一兩山藥五錢水
煎服一劑少安再劑漸定三劑而風止矣此方用人參山藥生胃

以健脾歸芍平肝以生血麥冬以生肺氣元參炒梔子清火去風兼且解燥內熱既除外症牽掣自愈死症可望生也

燥熱之極已生膿鬱之症不可起牀者不治之症也膿鬱者兩脇脹滿不可左右臥而又不能起牀此肝經少血而胃氣乾枯久之腎氣亦竭骨中無髓漸成痿癱如何可治不知此症起於夏令之熱燥盡肺金之津不能下生腎水遂至腎水不能生肝木木不能生心火火不能生脾土而成膿鬱也然則止救肺腎而脾胃不治自舒矣方用金水兩資湯熟地一兩山茱萸五錢麥冬一兩北五味二錢人參一兩白芍一兩水煎服此方雖曰金水兩資實腎肝肺三經同治蓋補肺腎則金水有源燥症自潤若不平肝木則胃

氣難生未易生精生液欲骨堅能步脇安能臥不易得矣所以補腎補肺之中不可無治肝之聖藥白芍最能平肝且能生血用之於補腎補肺之中更善調劑而奏功更神也久服自有生機但不可責其速效耳。

燥極口吐白沫者不治之症也夫血未有不紅者也如何吐白不知久病之人吐痰皆白沫者乃白血也吐白沫何以名白血以其狀如唾涎絕無有敗痰存乎其中實血而非痰也世人不信取所吐白沫露於星光之下一夜必變紅矣此沫出於腎而腎火挾之沸騰於咽喉不得不吐者也雖是白沫而實腎中之精豈特血而已哉苟不速治則白沫變成綠痰無可如何矣方用六味地黃湯

熟地一兩山茱萸五錢山藥五錢丹皮二錢澤瀉二錢茯苓五錢
麥冬一兩北五味一錢水煎服日日服之自然白沫止而化爲精
也沫化爲精則生矣

燥極一身無肉噉乾面塵體無膏澤足心反熱者亦不治之症也
此血乾而不能外養精涸而不能內潤耳吾有奇方實可救之名
安潤湯當歸五錢白芍五錢熟地一兩川芎二錢麥冬五錢牛膝
三錢人參三錢桑葉三十片水煎服此四物湯而加味者也妙在
加人參桑葉則四物更加大補一身之氣血無不潤又何至乾燥
之苦哉

燥症善驚腰不能俯仰丈夫癰疽婦人小腹痛目盲背突者不治

之症也。然予謂可治者以諸症皆腎病也。腎虛可補。補腎則心中
有血。可以止驚。腎則腰中有精。可以俯仰。補腎則任督有水。男
子去疝。而女子可去痛。又何患目盲背突之小症乎。予今特傳一
方。名資本潤燥湯。熟地二兩。桑葉三十片。山茱萸五錢。沙參一兩。
白朮一兩。甘菊花三錢。水煎服。此方純是補腎。而少佐之健脾者。
何也。蓋燥甚必口渴。口渴必多飲水。水多則腰必有水氣。而不得
散。白朮最利腰。臍又得熟地補腎之藥。則白朮不燥。轉得相助以
成功。此立方之妙也。倘遇此等病。卽以吾方投之。未有不生者。
燥症欬嗽已傷肺矣。復加吐血。吐膿。烏得不死。而必欲生之。迂矣。
不知燥症以致欬嗽。原是外感。非比內傷。雖吐膿血。亦因欬嗽之

傷而米救欬嗽而肺金有養嗽止而膿血亦消也方用養肺救燥
丹麥冬三兩金銀花三兩元參三兩甘草三錢天門冬三錢桔梗
三錢水煎服此方專入肺經以潤津液兼消浮火而止血膿內氣
既潤外感又除何愁死症之難制哉

產後血燥而暈不省人事此呼吸危亡時也蓋因亡血過多舊血
既出新血不能驟生陰陽不能接續以致如此方用救暈至聖丹
人參一兩當歸二兩川芎一兩白朮一兩熟地一兩炒黑乾薑一
錢水煎服人參以收脫歸芎以逐瘀生新熟地白朮利腰臍而補
脾腎黑乾引血歸經以止暈一劑便可獲效奪死爲生真返魂之
妙方也

產婦產後大便燥閉欲解不能不解不可煩躁身熱者往往不放
蓋此症因亡血過多腸中無腎水以相資所以艱澀而不得出一
用大黃下之鮮不死矣必須用地黃湯大補之亦有生者但不論
服之效與不效日與服一劑或四五日或十餘日自然大便出
而愈切勿見其一二服不效即用降火之劑以殺之也吾今酌定
地黃湯熟地二兩山茱萸一兩山藥五錢丹皮五錢澤瀉三錢茯
苓三錢麥冬一兩北五味一錢水煎服照吾分兩治大便燥結俱
妙不獨產婦產後之閉結也

產婦產後失血動血症俱不治蓋血少而又耗之也然肯服六味
地黃丸亦能不死而予更有奇方名止失湯人參一兩當歸五錢

麥冬三錢山茱萸五錢三七根末三錢水煎調服一劑而血止再劑而有生氣矣此方補氣血以顧產滋肺脉以救燥止血以防脫用之咸宜所以奏功獨神勝於六味湯也

產後血燥成癆瘵者乃產怯也亦緣產時失於調理故成癆瘵如何可治亦于未成之先而急治之乎或於產後一月之外見怯弱而不能起牀者急用救癆丹救之熟地一兩當歸一兩黃芪一兩人參一兩鱉甲五錢山茱萸五錢麥冬一兩白芍五錢白芥子一錢水煎服此方氣血雙補不寒不熱初起癆瘵最宜而產後尤能奏效乘其初起投以此方無不生者萬勿因循至於日久而不可救也

產後血崩不止口舌燥裂不治之症也然以大補藥救之往往有生者予有奇方名定崩救產湯人參一兩當歸一兩黃芪一兩白朮一兩三七根末三錢水煎服此方亦補氣血不純去止崩而血自止所以爲妙止三七根末乃止崩之味然又是補藥同群共濟收功獨神血崩止而口舌燥裂亦愈也倘惟圖止崩不去補虛則血崩不止而死矣

內傷門

雷公真君曰凡人忽然猝倒不知人口中痰聲作响人以爲中風也誰知是氣虛若作風治未有不死者蓋因平日不慎女色精虧以致氣衰又加起居不慎故一時猝中有似乎風之吹倒也方用

培氣湯人參一兩白芥子三錢黃芪一兩白朮一兩茯神五錢
菖蒲二錢附子一錢半夏二錢水煎服此方補氣而不治風消痰而
不耗氣反有生理一劑神定二劑痰清三劑全愈

凡人有一時昏眩跌倒痰聲如錦奄忽不知人此似中風而非中
風不可作真中風治也雖然不可作中風治但其中有陰虛陽虛
之不同陰虛者腎中之水虛不能上交於心也陽虛者心中之火
虛不能下交於腎也二症各不能使心氣之清性性猝倒更有肝
氣過燥不能生心中之火而猝倒者亦陰虛也更有胃氣過熱不
能安心中之火而猝倒者亦陽虛也辨明四症而治之母難起死
回生陰虛雖有二症而治陰虛之法止有一方名再甦丹熟地二

兩山茱萸一兩元參一兩白芥子三錢柴胡一錢菖蒲一錢麥冬
一兩北五味一錢茯神五錢水煎服一劑而甦再劑而聲出十
劑而全愈矣此方之妙全不去治中風竟大補其腎中之水使真
水速生自能上通心中之氣尤妙滋肺中之氣不特去生腎水更
能制伏肝木不來下尅脾土則脾土運用而化精尤易至於茯神
菖蒲安心而通心竅柴胡舒肝以生心氣使白芥子易於消痰使
元參易於解火實有妙用耳○陽虛須用二方一方治心中火虛
不能上交於腎也方名交腎全生湯人參一兩生半夏三錢附子
三錢菖蒲一錢茯神五錢生棗仁一兩白朮一兩甘草一錢水煎
服下喉卽痰靜而聲出矣連服數劑安然如故此方妙在人參白

木附子半夏同用直補心脾之氣而祛痰則氣旺而神易歸陽注
而痰易化矣尤妙在用棗仁生一兩則心清不亂況又有菖蒲茯
神之通竅而安心甘艸之和中而調氣乎立見死症之變爲生矣
○一方名抑火安心丹治心熱而不能安火之症也人參一兩石
膏五錢天花粉五錢茯神一兩菖蒲一錢麥冬三錢元參一兩水
煎服一劑而心定再劑而火清三劑病全愈矣此方妙在用石膏
乎人參茯苓之中補心而瀉相火則火易消氣又不損况天花粉
之消痰菖蒲之開竅又佐之各得其宜有不定亂而爲安乎以上
四症虛實寒熱不同苟細悉之於胸中斷不至臨症之錯誤也
更有中風之症口渴引飲服紅氣喘心脉洪大舌不能言又不可

作氣虛治之。倘作氣虛用參芪之藥去生亦遠。此乃腎虛之極。不能上滋於心。心火亢極自焚。悶亂遂至身倒。有如中風也。法當大補腎水而佐之清心祛火之藥。自然水足以濟火。方用水火兩治。湯熱地一兩。山茱萸五錢。麥冬一兩。五味子二錢。當歸一兩。生地一兩。元參一兩。茯神三錢。黃連二錢。白芥子三錢。水煎服。此方補腎兼補肝。肝腎足而心血生。又得祛火之劑。以相佐火息而痰消。喘平而舌利。何至有性命之憂哉。

心痛之症有二。一則寒氣侵心而痛。一則火氣焚心而痛。寒氣侵心者。手足反溫。火氣焚心者。手足反冷。以此辨之。最得寒痛與火痛不同。而能死人。則一吾傳二方。一治寒。一治熱。無不效。應如响。

治寒痛者名散寒止痛湯良姜三錢肉桂一錢白朮三錢甘艸一錢草烏一錢蒼朮三錢管仲三錢水煎服此方妙在用管仲之祛邪二朮之祛濕邪濕去而又加之散寒之品自然直中病根去病如掃也治熱痛者名瀉火止痛湯炒梔子三錢甘艸一錢白芍二兩半夏一錢柴胡一錢水煎服此方妙在用白芍之多瀉木中之火又加梔子直折其熱而柴胡散邪半夏逐痰甘艸和中用之得當故奏功如神也二方皆一劑奏效可以起死爲生

脇痛之症乃肝病也肝宜順而不宜逆逆則痛痛而不止則死矣故治脇痛必須平肝平肝必須補腎腎水足而後肝氣有養不必治脇痛脇痛自平也方用肝腎兼資湯熟地一兩白芍二兩當歸

一兩白芥子三錢炒梔子一錢山茱萸五錢甘艸三錢水煎服此方補肝爲君補腎爲佐少加清火消痰之味自然易於奏功一劑而痛定矣

腹痛之最急者絞腸痧也世人懼用官料藥殊不知藥能去病何畏官料哉吾有一方最妙不用官料之味而功力十倍勝之方用馬糞一兩炒黑入黃土一撮微炒用黃酒柔熱服五錢一劑卽痛去如失蓋馬糞最善止痛而治腹痛尤神用黃土者因馬糞過行之迅速得土而少遲且黃土與脾土同性相親引之入於病處使馬糞易於奏功也况又用黃酒佐之則無微不達非吐則瀉氣一通而痛輒定矣

陰陽脫症乃男女貪歡盡情縱送以致興酣暢美一時精脫而不能禁也少治之緩則精盡氣散而死矣夫症本脫精自當益精以救脫然精不能速生也此時精已盡泄惟有氣存然精盡而氣亦甚微不急補其氣何以生元陽而長真水哉方用生氣救脫湯人參三兩附子一錢黃芪三兩熟地一兩麥冬一兩北五味一錢水煎服此方大用參芪補元陽於無何有之鄉加熟地麥冬以生精加五味以止脫加附子溫經以走經絡庶幾氣旺而神全精生而身旺也倘不補氣而惟補精則去生遠矣

人有小解之時忽然昏眩而倒者亦陰陽之氣脫也此症多得之入內過於縱慾夫縱慾宜卽亡於男女之身茲何以離男女而暴

亡蓋亡於男女之身。乃泄精甚酣。樂極情濃。使然也。離男女而亡者。乃泄精未暢。平日腎氣銷亡。腎火衰弱。既泄其精。更加虛極。故氣隨小便而俱絕。二症雖異。而實同。救法亦不必大異。惟死於男女之身。桂附可不必重加。而脫於小便之頃。桂附斷須多用。至人參則二症皆當用。至二三兩。子有一方。名逢生丹。人參二兩。附子二錢。白朮一兩。菖蒲一錢。半夏一錢。生棗仁一兩。水煎服。此方妙在人參急救其氣。以生於無何有之鄉。加附子以進其散亡之氣。菖蒲啓心竅。而還迷。半夏消痰飲。而開邪。尤妙用白朮以利腰膂。而固腎氣之脫。用棗仁以安魂魄。而清心君之神。自然絕處逢生也。此方陰陽脫俱可兼治。而收功。

怔忡之症擾擾不寧心神恍惚驚悸不已此肝腎之虛而心氣之弱也若作痰治。往往殺人。蓋腎虛以致心氣不交。心虛以致肝氣益耗。不治虛而反攻痰。安得不速死乎。吾有一方名寧靜湯。人參一兩。白朮五錢。白芍一兩。熟地一兩。元參一兩。生棗仁五錢。白芥子三錢。麥冬五錢。水煎服。此方一派補心肝腎之藥。三經同治。則陰陽之氣自交。上下相資。怔忡自定。而驚悸恍惚之症亦盡除矣。怔忡治之不得法。多致危亡。此症乃因泄精之時。又得氣惱。更不慎重。而成者也。似乎宜治腎為主。不知愈補腎而心氣愈加怔忡者何故。因肝得氣惱。肝氣大旺。補腎則肝氣更旺。反去增心之火。故愈加怔忡也。然則心不可補乎。心不補則火不能息。補心而又

加去火之藥則得生矣方用化仲丹人參二錢麥冬五錢生棗仁
二錢白芍五錢元參五錢茯神五錢黃連一錢白芥子一錢甘草
五分水煎服此方妙在不去定心反去瀉火尤妙在不去瀉肝反
去補肝尤妙在不去補腎反去補肺蓋瀉心火卽所以定心氣也
補肝氣則肝平肝平則心亦平補肺氣則肺旺能制肝經之旺矣
制服相宜自然心氣得養而怔忡有不全愈者乎

癆病最難治者癆虫尸氣也此症感之日久遂至生虫而蝕人臟
腑每至不救滅門滅戶傳染不已若不傳方救之則禍且中於後
世我有奇方久服自然消除名救癆殺虫丸鱉甲一觔醋炙茯苓
五兩山藥一觔熟地一觔白薇五兩沙參一觔地骨皮一觔人參

二兩山茱萸一觔白芥子五兩饅魚一觔煮熟先將饅魚搗爛各藥研末米飯爲丸每日五更時服一觔半料卽虫化爲水矣此方大補真陰全非殺虫傷氣之藥然補中用攻而虫又潛消於烏有真治癆神方也

離魂之症乃魂出於外自覺吾身之外更有一吾此欲死未死之症然而魂雖離去身未遠尚有可復之機蓋陰陽未至於決絕也急用定魂全體丹救之人參一兩茯神五錢柏子仁三錢生棗仁一兩遠志一錢白芥子三錢丹砂一錢當歸一兩白朮一兩甘艸一錢麥冬五錢龍齒末五分水煎服此方救心氣之虛心虛而後魂離心氣足而魂自定况方中又用引魂合一之味於補虛之中

乎所以一劑卽見功也

反胃有食入而卽出者此腎水虛不能潤喉故喉燥而卽出也有
食入而反出者此腎火虛不能溫脾故脾寒而反出也治反胃者
俱當治腎但當辨其有火無火之異則死症可變爲生也治反胃
之症莫妙用仲景地黃湯但無火者加附子肉桂則效驗如响然
而世人亦有用仲景方而不驗者何也以所用之不得其法而非
方之不神也我今酌定二方一治無火而反胃者熟地二兩山茱
萸一兩附子三錢茯苓三錢澤瀉三錢丹皮三錢肉桂三錢山藥
六錢水煎服一治有火而反胃者熟地二兩山茱萸五錢山藥一
兩澤瀉三錢丹皮三錢茯苓五錢麥冬五錢北五味二錢水煎服

三方出入加減自然治反胃有神功也

反胃之症雖一時不能遽死然治之不得其宜亦必死而後已反胃多是腎虛無火故今日食之至明日盡吐卽內經所謂食入卽出是也夫食入於胃中而吐出似乎病在胃也誰知胃爲腎之關門腎病而胃始病飲食之入於胃必得腎水以相濟而咽喉有水道之通始上可輸輓下易運化然而腎中無火則釜底無薪又何以蒸腐水穀乎此腎寒而脾亦寒脾寒不能化必上湧於胃而胃不肯受則湧而上吐矣方用定胃湯熟地三兩山茱萸二兩肉桂三錢茯苓三錢水煎服一劑而吐止十劑而病全愈然此治朝入暮吐暮服朝吐者也倘食下卽吐又不可用肉桂加麥冬一兩北

五昧子一錢亦未嘗不效應如响蓋一方全是大補腎中之水火而不去治胃勝於治胃也

失血之症有從口鼻出者有從九竅出者有從手足皮毛之孔而出者雖似各異吾有一方可統治之名收血湯熟地二兩生地一兩荆芥一錢三七根末三錢當歸一兩黃芪一兩水煎服此方補血而不凝補血妙在兼補氣也止血而不專止血妙在能引經也則既歸經氣又生血自然火不沸騰相安無事何至有上中下之亂行哉故無論各症用之而皆效也

癰瘤之症多因氣虛有痰一時如暴風疾雨猝然而倒口吐白沫作牛半馬聲種種不同治之不得法往往有死者吾今留一方名

祛痰定癲湯人參三錢白朮五錢白芍五錢茯苓三錢甘草一錢
附子一片半夏三錢陳皮一錢菖蒲一錢水煎服此方參朮茯苓
皆健脾胃之聖藥陳皮半夏甘州不過消痰和中妙在用附子
菖蒲以起心之迷引各藥直入心竅之中心清則痰自散而癲癩
自除矣既不耗氣又能開竅安有死法哉

中邪遇鬼亦陽氣之衰也陽氣不衰則陰氣不能中人况鬼祟乎
惟陽氣衰微而後陰鬼來犯治之又何可不補其正氣哉倘或止
治痰以逐邪而不加意於元陽之峻補則氣益虛而邪且不肯輕
退反致死亡之速矣我今傳一方名扶正闢邪丹人參一兩當歸
一兩茯苓五錢白朮二兩菖蒲一錢半夏三錢白芥子三錢丹參

五錢皂角刺五分山芋血五分附子一錢水煎服此方山芋血皂角刺開胃之聖藥也半夏白芥子消痰之神劑也然不多用人參各補藥以回陽補氣必不能起死回生大約用此方一劑便覺鬼去二劑而痰消人健矣

中惡之症乃中毒氣也犯之亦不能救如犯蛇毒之氣與各虫之毒氣也其症肚脹腹大氣滿口喘身如燥裂而不可忍之狀大便閉結小便黃赤甚則陰頭脹大疼痛欲死此等症必須消毒不可驟用補劑犯則殺人吾今酌定奇方治之最效而且最神名解惡神丹金銀花三兩生甘草三錢白礬五錢白芷三錢水煎服此方解惡而不傷氣化毒於無形實有妙用大約中惡之症服吾方不

須二劑便可慶生全也

暈眩似乎小症然而大病皆起於暈眩眼目一時昏花卒致猝倒而不可救者比比也故世人一犯暈眩之症治之不可不早吾今傳一奇方名防眩湯人參三錢白朮一兩當歸一兩熟地二兩川芎五錢白芍一兩山茱萸五錢半夏三錢天麻一錢陳皮五分水煎服此方專治氣血之虛不治頭目之暈益氣血足則陰陽和陰陽和則邪火散又何慮暈眩之殺人哉多服數劑受益無窮不可見一二劑不能收功便棄之而不用也

嘔吐之症一時而來亦小症也然而傾胃而出必傷胃氣胃氣一傷多致不救其症有火有寒火吐宜清火而不可降火寒吐宜桂

寒而不可降寒。蓋降火則火引入脾而流入於大腸。必變爲便血之症。降寒則寒引入腎而流入於膀胱。必變爲遺溺之症矣。我今酌定二步。一治火吐者。清火止吐湯。茯苓一兩。人參二錢。砂仁三粒。黃連三錢。水煎服。此方解火退熱。則嘔吐自止。妙在茯苓分消火勢。雖火緩行於下而非峻祛於下也。尤妙人參以扶胃氣。則胃土自能健。冰不必止。吐自定也。況又有砂仁之止嘔乎。所以一補而止吐耳。一治寒吐者。散寒止嘔湯。白朮二兩。人參五錢。附子一錢。乾姜一錢。丁香三分。水煎服。此方散寒而仍用補脾健土之藥。則寒不能上越而亦不敢下行。勢不得不從臍中而外通也。一劑亦卽奏功如响。

瀉症乃水瀉也寒瀉易治火瀉難醫往往有一日一夜瀉至數百遍者傾腸而出完穀不化糞門腫痛瀉下如火之熱此亦百千人一病也然無方救之必致立亡我今酌定一方名截瀉湯薏仁二兩車前子一兩人參三錢白芍二兩黃連三錢茯苓五錢甘艸二錢山藥一兩肉桂三分水煎服一劑而瀉減半再劑而瀉止神方也愈後用六君子湯調治此等症因火盛之極挾水穀之味一直下行不及傳道所以完穀而出也若認作脾氣之虛以止塞之則火益旺而勢益急我乘其勢而利導之則水氣分消火勢自散所以奏功能神

喘症與短氣不同喘乃外感短氣乃內傷也短氣之症狀似乎喘

而非喘也喘必擡肩喉中作水鷄之聲短氣則不然喘不擡肩喉中微微有息耳若短氣之症乃火虛也作實喘治之立死矣蓋短氣乃腎氣虛耗氣冲於上焦壅塞於肺經症似有餘而實不足方用歸氣定喘湯人參二兩牛膝三錢麥冬一兩熟地二兩山茱萸五錢北五味一錢枸杞子二錢胡桃一箇破故紙一錢水煎服一劑而氣少平二劑而喘可定三劑而氣自平矣此方妙在用人參之多下逆氣原以挽回於無何有之鄉其餘純是補腎補肺之妙品子母相生水氣自旺水旺則火自安於故宅而不上冲於咽門此治短氣之法實有異於治外感之喘症也

喘症不同有虛喘有實喘實喘看其症若重而實輕用黃芩二錢

麥冬三錢甘草五分柴胡一錢蘇葉一錢山豆根一錢半夏一錢
烏藥一錢水煎服一劑喘止不必再服也然實症之喘氣大急喉
必作聲肩必擡起非若虛喘氣少急而喉無聲肩不擡也虛喘乃
腎氣大虛脾氣又復將絕故奔冲而上欲絕尚未絕也方用救絕
止喘湯人參一兩山茱萸三錢熟地一兩牛膝一錢麥冬五錢五
味子一錢白芥子三錢水煎服一劑輕二劑喘止十劑全愈此病
實死症也幸幾微之氣流連於上下之間若用涼藥以平火是速
其亡也然用桂附以補火亦速其亡蓋氣將絕之時宜緩續而不
宜驟續譬如爐中火絕止有星星之火宜用薪炭引之若遽投之
以硫黃之類反滅其火矣更以寒溫之物動之鮮有生氣矣方中

妙在一派補腎補肺之藥與人參同用則直入於至陰之中而生其氣腎氣生而脾氣亦生自能接續于無何有之鄉况人參又上生肺以助腎之母子母相生更能救絕也

消渴之症雖分上中下而腎虛以致渴則無不同也故治消渴之法以治腎為主不必問其上中下之消也吾有一方最奇名合治湯熟地三兩山茱萸二兩麥冬二兩車前子五錢元參一兩水煎服日日飲之三消自愈此方補腎而加清火之味似乎有腎火者宜之不知消症非火不成也我補水而少去火以分消水濕之氣則火從膀胱而出而真氣仍存所以消症易平也又何必加桂附之多事哉惟入消之後下身寒冷之甚者本方加肉桂二錢亦响

應異常倘不遵吾分兩妄意增減亦速之死而已。安望其有生哉。
消渴之症雖有上中下之分其實皆腎水之不足也。倘用渴火止
渴之藥愈消其陰必至更助其火有渴甚而死者矣。治法必須補
腎中之水。水足而火自消。然而此火非實火也。實火可以寒消。虛
火必須火引。又須補腎中之火。火溫於命門下熱而上熱頓除矣。
方用引火升陰湯。元參二兩。肉桂二錢。山茱萸四錢。熟地一兩。麥
冬一兩。北五味子二錢。巴戟天五錢。水煎服。此方大補腎中之水。
兼溫命門之火。引火歸原而水氣自消。正不必止渴而渴自除。不
必治消而消自愈也。

夢遺之症久則玉關不閉精盡而亡矣。世人往往用澀精之藥所

以不救倘於未曾太甚之時大用補精補氣之藥何至於此我有
奇方傳世矣實一兩山藥一兩蓮子五錢茯神二錢炒棗仁三錢
人參一錢水煎服此方名保精湯先將湯飲之後加白糖五錢拌
勻連渣同服每日如此不須十日卽止夢不遺矣方中藥味平平
淡而不厭收功獨神者蓋芡實山藥固精添髓蓮子清心止夢茯
神棗仁安魂利水得人參以運用於無爲不必止夢而夢自無不
必止精而精自斷也又何至玉關不閉致於天亡哉

痿症不起牀席已成廢人者內火熾盛以熬乾腎水也苟不補腎
惟圖降火亦無生機雖治痿獨取陽明是胃火不可不降而腎水
尤不可不補也我今傳一奇方補水於火中降火於水內合胃與

腎而兩治之。自然骨髓增添。燔熱盡散。不治痿而痿自愈。方名降
補丹。熟地一兩。元參一兩。麥冬一兩。甘菊花五錢。生地五錢。人參
三錢。沙參五錢。地骨皮五錢。車前子二錢。水煎服。此方補中有降。
降中有補。所以爲妙。胃火不生。自不耗腎中之陰。腎水既足。自能
制胃中之熱。兩相濟而兩相成。起痿之方。孰有過於此者乎。

凡人有兩足無力。不能起立。而口又健飯如少。忍饑餓。卽頭面皆
熱。有咳嗽不已者。此亦痿症。乃陽明胃火上炎於肺金。而肺金爲
火所逼。不能傳清肅之氣於下焦。而腎水燂乾。骨中髓少。故不能
起立。而胃火又焚燒。故能食善饑。久則水盡髓乾而死矣。可不急
瀉其胃中之火哉。然而瀉火不補水。則胃火無所制。未易息也。方

用起痿王神湯熟地一兩山藥一兩元參一兩甘菊花一兩人參
五錢白芥子三錢當歸五錢白芍五錢神曲二錢水煎服一劑火
減二劑火退十劑而痿有起色三十劑可全愈也此方奇在甘菊
花爲君瀉陽明之火而又不損胃氣其餘不過補腎水生肝血健
脾氣消痰涎而已蓋治痿以陽明爲主瀉陽明然後佐之諸藥自
易成功耳

痺症雖因風寒濕三者之來亦因身中元氣之虛邪始得乘虛而
入倘惟攻三者之邪而不補正氣則痺病難痊必有死亡之禍矣
我今傳一方於補正之中佐之祛風祛濕祛寒之品則痺症易愈
也方名散痺湯人參三錢白朮五錢茯苓一兩柴胡一錢附子一

錢半夏一錢陳皮五分水煎服此方健脾利濕溫經散風正氣不虧而邪氣自散二劑而痺症如失

陰虛之症乃腎水虧乏火不能藏於下乃飛越於上而喉中闕狹火不得直泄乃結成蛾似蛾而非蛾也早晨痛輕下午痛重至黃昏而痛更甚得熱則快得涼則加其症之重者滴水不能下喉若作外感陽症治之用山豆根岑連梔子之類則痛益甚而關不開有不盡命而死者矣我今傳一方專補陰虛用引火歸源之法而痛頓失也方名化蛾丹熟地一兩山茱萸一兩附子一錢車前子三錢麥冬一兩北五味二錢水煎服此方大補腎之水不治蛾之痛壯水則火息引火則痛消故一劑即可收功奇絕之法也

水腫滿身皆水按之如泥者是若不急治水留於四肢而不得從
傍脫出則變爲死症而不可治矣方用決流湯牽牛二錢甘遂二
錢肉桂三分車前子一兩水煎服一劑而水流半餘二劑卽全愈
斷不可與三劑也與三劑反殺之矣蓋牽牛甘遂最善利水又加
之車前肉桂引水以入膀胱但利水而不走氣不使牽牛甘遂之
過猛利水併走氣也但此二味畢竟性猛多服傷人元氣故二劑
逐水之後斷宜屏絕須改用五苓散調理二劑又用六君子湯以
補脾可也更須忌食鹽犯則不救

氣腫乃氣虛作腫似水腫而非水腫也其症一如水腫之狀但按
之皮肉不如泥耳必先從腳面腫起後漸漸腫至上身于是頭面

皆腫者有之。此等氣脹必須健脾行氣加利水之藥則可救也。倘亦以水脹法治之。是速之死也。我今傳一奇方。名消氣散。白朮一兩。薏仁一兩。茯苓一兩。人參一錢。甘草一分。枳殼五分。山藥五錢。肉桂一分。車前子一錢。蘿蔔子一錢。神曲一錢。水煎服。日日一劑。初服覺有微碍。久則日覺有效。十劑便覺氣漸舒。二十劑而全消。三十劑而全愈。此方健脾而仍是利水之品。故不傷氣。奏功雖緩而啓死實妙也。然亦必禁食鹽。三月後可漸漸少用矣。卽秋石亦不可用。必須三月後用之。

出膿惟小腹作痛而四肢浮脹不十分之甚。面色紅而帶點如虫蝕之象。眼下無臥蚕微腫之形。此是虫脹也。必須殺虫可救。然過

於峻逐未免轉傷元氣轉利轉虛亦非生之之道方用消虫神奇
升雷丸三錢當歸一兩紫甲一兩醋炙地栗粉一兩鮮者取汁一
茶匙神曲三錢茯苓三錢車前子五錢白礬三錢水煎服一劑卽
下虫無數二劑虫盡出無留矣虫去而腹脹自消不必用三劑也
蓋雷丸最善逐虫去積而紫甲地栗更善化虫於烏有然虫之生
必有毒結於腸胃之間故又用白礬以消之誠慮過於峻逐又佐
之當歸以生血新血生而舊瘀去更佐之茯苓車前分利其水氣
是虫從大便而出而毒從小便而行自然病去如掃矣但此藥服
二劑後必須服四君六君湯去甘艸而善爲之調理也

血臟之症其山來漸矣或跌閃而血瘀不散或憂鬱而結血不行

或風邪而血畜不發遂至因循時日留在腹中致成血鼓飲食入
胃不變精血反去助邪久則脹脹則成臟矣倘以治水法逐之而
症犯非水徒傷元氣倘以治氣法治之而症犯非氣徒增飽滿是
愈治而愈脹矣我有奇方妙於逐瘀名消瘀蕩穢湯水蛙三錢必
須炒黑可用大約一兩炒黑取末用三錢當歸二兩雷丸三錢紅
花三錢枳實三錢白芍三錢牛膝三錢桃仁四十粒去皮尖搗碎
水煎服一煎卽下血斗餘再煎卽血盡而愈蓋血蠱之症惟腹脹
如鼓而四支手足並無脹意故血去而病卽安也服此方一劑之
後切勿再與二劑當改用四物湯調理於補血內加白朮茯苓人
參補氣而利水自然全愈否則血蠱雖痊恐成乾枯之症

血症

雷公真君曰凡人有一時忽吐衄血者人以爲火也多用寒涼藥
瀉火乃火愈退而血愈多或用止血藥治之而仍不效此乃血不
歸經之故若再以寒涼瀉火之藥而重瀉之未有不死者矣當用
補氣之藥而佐之歸經之味不必止而自止矣方用引血湯人參
五錢當歸一兩炒黑荆芥三錢丹皮二錢水煎服一劑而血無不
止此方妙在不專去補血反去補氣以補血尤妙在不單去止血
反去行血以止血蓋血逢寒則凝滯而不行逢散則歸經而不逆
救死於呼吸之際此方實有神功也

人有大怒而吐血者或傾盆而出或冲口而來一時昏暈亦生死

頃刻也倘以止血藥治之則氣悶而不能安倘以補血藥治之則胸痛而不可受往往有變症蜂起而斃者不可不治之得法也方用解血平氣湯白芍二兩當歸二兩荆芥炒黑三錢柴胡八分紅花二錢炒梔子三錢甘艸一錢水煎服一劑而氣舒二劑而血止三劑而病全愈蓋怒氣傷肝不能平其氣故致一時吐血不先去舒氣而遽去止血愈激動肝木之氣氣愈旺而血愈吐矣方中芍藥多用之妙竟去平肝又能舒氣荆芥柴胡皆引血歸經之味又適是開鬱寬脇之劑所以奏功甚速而止血實神全非用當歸補血之故當歸不過佐芍藥以成功耳

凡人有血崩不止者婦人之病居多亦一時昏暈或有不知人而

死者此病多起於貪慾若治之不得法日用止瀝之藥未有不輕變重而重變死者方用安崩湯治之人參一兩黃芪一兩白朮一兩三七根末三錢水煎調三七根末服之一劑卽止崩可返危爲安也蓋崩血之後惟氣獨存不補氣而單補血緩不濟事今亟固其欲絕之氣佐之三七以瀝其血氣固而血自不脫也

腹痛

雷公真君曰凡人有腹痛不能忍按之愈痛口渴飲冷水則痛止少頃依然大痛此火結在大小腸若不急治亦一時氣絕方用定痛至神湯炒梔子三錢甘艸一錢茯苓一兩白芍五錢蒼朮三錢大黃一錢厚朴一錢水煎服此方妙在舒肝經之氣用白芍甘艸

和其痛尤妙多用茯苓爲君以利膀胱之水更妙在梔子以瀉鬱熱之氣又恐行之欠速更佐之大黃走而不守則瀉火逐瘀尤爲至神也

喉痛

雷公真君曰凡人有咽喉忽腫作痛生雙蛾者飲食不能下五日不食卽死矣但此症實火易治而虛火難醫實火世人已有妙方如用山豆根苳連半夏柴胡甘草桔梗天花粉治之立消惟虛火乃腎火不藏於命門浮游於咽喉之間其症亦如實火惟夜重於日清晨反覺少輕若實火清晨反重夜間反輕實火口燥舌乾而開裂虛火口不甚渴舌滑而不裂也以此辨症斷不差錯此種虛

痛若亦以治實火之法治之。是人已下井而又益之石也。故不特
不可用寒涼。併不可用發散。蓋虛火必須補也。然徒補腎水。雖水
能制火。可以少差。而火勢太盛。未易制伏。又宜於水中補火。則引
火歸源。而火勢頓除。有消亡於頃刻矣。方用引火湯。熟地一兩。元
參一兩。白芥子三錢。山茱萸四錢。北五味二錢。山藥四錢。茯苓五
錢。肉桂二錢。水煎服。一劑而痰聲靜。痛頓除。腫亦盡消。二劑全愈。
蓋熟地山茱萸五味之類。純是補腎水聖藥。茯苓山藥又益精而
利水。助肉桂之下行。元參以消在上之浮火。白芥子以消壅塞之
痰。上焦既寬。而下焦又得肉桂之熱。則龍雷之火有不歸根於命
門者乎。一劑變生。真有鬼神莫測之機。又勝於八味地黃湯也。倘

喉腫閉塞。勺水不能下。雖有此神方。將安施乎。我更有法。用附子一箇。破故紙五錢。各研末。調如糊。作膏布攤。如膏藥大。如茶鍾貼脚心中央。以火烘之一時辰。喉即寬而開。一線路可以服藥矣。又不可不知此妙法也。

氣鬱

雷公真君曰。凡人有鬱鬱不樂。忽然氣塞。而不能言。苟治之不得。法則死矣。夫鬱症。未有不傷肝者也。傷肝又可伐肝乎。伐肝是愈助其鬱。鬱且不能解。又何以救死於頃刻哉。方用救肝開鬱湯。白芍二兩。柴胡一錢。甘艸一錢。白芥子三錢。白朮五錢。當歸五錢。陳皮二錢。茯苓五錢。水煎服。一劑而聲出。再劑而神安。三劑而鬱氣

盡解此方妙在用白芍之多至二兩則直入肝經以益其匱乏之氣自然血生而火熄又用白朮當歸健土以生血柴胡以解鬱甘艸以和中白芥子以消膜隔之痰又妙在多用茯苓使鬱氣與痰涎盡入於膀胱之中而消弭於無形也倘人有鬱氣不解奄奄黃瘦亦急以吾方治之何至變生不測哉

癩症

雷公真君曰癩病之生也多生於脾胃之虛寒脾胃虛寒所養水穀不變精而變痰痰凝胸膈之間不得化流於心而癩症生矣苟徒治痰而不補氣未有不速之死者方用祛癩湯人參五錢白朮一兩肉桂一錢乾姜一錢白芥子五錢甘艸五分菖蒲五分半夏

三錢陳皮一錢水煎服此方用人參白朮專補脾胃用桂姜以祛寒邪用白芥子半夏以消頑痰用甘艸菖蒲以引入心而開竅自然正氣回而邪痰散一劑神定再劑神旺又何癲病之不能愈哉惟是花癲之症乃女子思想其人而心邪然亦因脾胃之寒而邪人也本方加入白芍一兩柴胡二錢炒梔子三錢去肉桂治之亦最神一劑而癲止矣蓋柴胡白芍炒梔子皆入肝以平木祛火而散鬱故成此奇功也

狂症

雷公真君曰狂病有傷寒得之者此一時之狂也照仲景張公傷寒門治之用白虎湯以瀉火矣更有終年狂病而不愈者或欲拿

刀以殺人。或欲見官。而大罵親戚。之不認兒女。之不知見水。則大喜見食。則大怒。此乃心氣之虛。而熱邪乘之。痰氣侵之。遂成爲狂矣。此等症。欲瀉火。而火在心之中。不可瀉也。欲消痰。而痰在心之中。不易消也。惟有補脾胃之氣。則心自得養。不必祛痰。痰自化。不必瀉火。火自無矣。方爲化狂丹。人參一兩。白朮一兩。甘艸一錢。茯苓一兩。附子一分。半夏三錢。菖蒲一錢。兔絲子三錢。水煎服。一劑狂定。再劑病痊。此方妙在補心脾胃之三經。而化其痰。不去瀉火。蓋瀉火則心氣愈傷。而痰涎愈盛。狂將何止乎。尤妙用附子一分。引補心消痰之劑。直入心中。則氣尤易補。而痰尤易消。又何用瀉火之多事乎。此所以奏功如神也。

呆病

雷公真君曰呆病如癡而默默不言也如饑而悠悠如失也意欲
癡而不能心欲狂而不敢有時睡數日不醒有時坐數日不眠有
時將已身衣服密密縫完有時將他人物件深深藏掩與人言則
無語而神遊背人言則低聲而泣訴與之食則厭薄而不吞不與
食則吞炭而若快此等症雖有崇惡之實亦胸腹之中無非痰氣
故治呆無奇法治痰即治呆也然而痰勢最盛呆氣最深若以尋
常二陳湯治之安得獲效方用逐呆仙丹人參一兩白朮二兩茯
神三兩半夏五錢白芥子一兩附子五分白微三錢兔絲子一兩
丹砂三錢研末先將各藥煎湯調丹砂末與半碗彼不肯服以炭

給之欣然服矣又給之又服半碗然後聽其自便彼必倦怠欲臥
矣乘其睡熟將其衣服被褥盡行火化單留身上所服之衣易用
新被蓋之切不可驚醒此一睡有睡至數日者醒來必覓衣而衣
無覓彼而被非故物彼必大哭然後又以前藥與一劑必不肯服
卽給之炭亦斷不肯矣不妨以鞭責之動其怒氣用有力之人將
前藥洗而灌之彼必大怒已而又睡去矣此時斷須預備新鮮衣
服被褥等項俟其半日卽醒彼見滿房皆是親人心中恍然如悟
必又大哭不已諸人當以好言勸之彼必說出鬼神之事親人說
幸某人治療已將鬼神盡行祛遣不必再慮彼聽之欣然而病亦
全愈矣此方之妙妙在大補心脾以茯神爲君使痰在心者盡祛

之而出其餘消痰之藥又得附子引之無經不入將遍身上下之痰盡行祛入膀胱之中而消化矣白微兔絲子皆是安神妙藥而而升砂鎮魂定魄實多奇功所以用之而奏效也

厥症

雷公真君曰人有忽然發厥口不能言眼閉手撒喉中作酣聲痰氣甚盛有一日即死者有二三日而死者此厥多犯神明然亦因素有痰氣而發也治法自宜攻痰爲要然徒攻痰而不開心竅亦是徒然方用啓迷丹生半夏五錢人參五錢菖蒲二錢兔絲子一兩甘草三分茯神三錢皂角莢一錢生薑一錢水煎服此方人參半夏各用五錢使攻補兼施則痰易消而氣易復尤妙用兔絲子

爲君則正氣生而邪氣散。更妙用皂莢葛蒲茯神開心竅以清心。自然氣回而厥定。倘疑厥症是熱而輕用寒涼之藥則去生遠矣。半夏用生不用製者取其生氣以收死且製之過熟反掣用效遲而不能奏功也。其餘厥症岐天師新定於內經可考。傷寒厥症張仲景載于傷寒門中可稽故不再傳。

斑疹

雷公真君曰人有一時身熱即使身冷而滿體生斑如疹者乃火從外泄而不得盡泄於皮膚故鬱而生斑。人盡以爲熱也用寒涼瀉火之藥不效。有斑不得消而死者亦可傷也。亦用消斑神效湯治之。元參一兩麥冬一兩升麻三錢白芷一錢白芥子三錢沙參

三錢丹皮五錢水煎服一劑斑勢減再劑斑紋散三劑斑影盡消矣此方妙在用元參麥冬以消斑尤妙在升麻多用引元參麥冬以入於皮膚使羣藥易於奏功而斑無不消也

亡陽

雷公真君曰凡人毋論有病無病一旦汗如雨出不肯止者名曰亡陽汗盡止有氣未絕最危之症也若因汗出而用止汗之藥則汗不能止若因汗盡而用補血之藥則血難驟生所當急補其氣尚可挽回然而補氣之藥舍人參實無他味可代方用收汗生陽湯人參一兩麥冬一兩北五味三錢黃芪一兩當歸五錢熟地一兩炒棗仁五錢甘艸一錢水煎服一劑而汗收再劑而氣復三劑

而氣旺四劑而身健矣此方之妙妙在氣血均補而尤補於氣使氣足以生陽陽旺而陰亦生矣夫亡陽之症雖是陽亡其實陰虛不能攝陽以致陽氣之亡也倘陰足以攝陽則汗雖出何至亡陽然治亡陽之症烏可徒救陽乎我所以救陽兼救陰也

痢疾

雷公真君曰凡人夏秋感熱之氣患痢便血一日間至百十次不止者至危急也苟用涼藥以止血利藥以攻邪俱非善法我有神方可以救急援危又不損傷氣血痢止身亦健也方用援絕神丹白芍二兩當歸二兩枳殼二錢檳榔二錢甘州二錢滑石末三錢廣木香一錢蘿蔔子一錢水煎服一劑輕二劑止三劑全愈此方

妙在用白芍當歸至二兩之多則肝血有餘不去制尅脾土則脾氣有生發之機。自然大腸有傳導之化。加之枳壳檳榔蘿蔔子俱逐穢祛積之神藥。尤能於補中用攻。而滑石甘草木香調和於遲速之間。更能不疾不徐。使瘀滯之盡下。而無內留之患也。其餘些小痢疾。不必用如此之多。減半治之。亦無不奏功。前方不必分紅白。痛與不痛。皆神效。

五絕

五絕乃縊死跌死壓死淹死壓死是也。世人禍成倉猝。往往不救。然此等之死。五臟未絕。因外來之禍。而枉死者也。其魂魄守於尸旁。相去未遠。苟以神術招之魂魄。即附體而可生也。我傳神符一

道先書黃紙上焚化在熱黃酒內搗開牙關灌入喉中後可用藥
丸化開亦用黃酒調勻以人口含藥水用葱管送於死人喉內少
頃即活 招魂符式 〇 無見但書符時一心對書
君天醫使者書之自然靈應無比 〇 藥丸名救絕仙丹山年血二
錢菖蒲二錢人參三錢紅花一錢皂角刺一錢半夏三錢製蘇葉
二錢附子一錢各爲末蜜爲丸如龍眼核大酒化開用修此丸時
端午日妙如臨時不必如許之多十分之一可也此方神奇之極
又勝於秦真人閉時脩藥修合一料大可救人若到臨期緩不濟
事此方不特救五絕凡有邪祟昏迷一時猝倒者皆可灌之以起
死回生也

砒毒

雷公真君曰世人有毒服砒毒之毒五臟欲裂者腹必大痛舌必伸出眼必流血而死最可憐也方用瀉毒神丹大黃二兩生甘草五錢白礬一兩常歸三兩水煎湯數碗飲之立時大瀉卽生否則死矣此砒毒已入於臟非可用羊血生甘草上吐而愈我所以又變下法救之飲之而不瀉此腸已斷矣又何救乎倘用之早未有不生者不可執吐法而無變通若初飲砒毒莫妙用生甘草三兩急煎湯加羊血半碗和勻飲之立吐而愈若飲之不吐速用大黃之方則無不可救也

虎傷

雷公真君曰世人被虎咬傷血必大出其傷口立時潰爛其疼不可當急用猪肉貼之隨貼隨化隨化隨易速用地榆一鈞爲細末加入三七根末三兩苦參末四兩和勻摻之隨濕隨摻血卽止而痛卽定蓋地榆涼血苦參止痛三七根末止血合三者之長故奏功實神

湯火傷 火燒 湯池

雷公真君曰凡人有無意之中忽爲湯火所傷遍身潰爛與死爲隣我有內治妙法可以變死而生方名逐火丹用大黃五錢當歸四兩荆芥三錢炒黑生甘艸五錢黃芩三錢防風三錢黃芪三兩茯苓三兩水煎服一劑痛減半二劑痛全減三劑瘡口全愈真至

神至聖之方也。此方妙在重用大黃。于當歸黃芪之內。既補氣血。又逐火邪。尤妙用荊芥防風。引黃芪當歸之補氣血。生新以逐瘀。更妙用茯苓三兩。使火氣盡從膀胱下瀉。而皮膚之痛自除。至於甘艸黃芩。不過調和而清涼之已耳。

癰疽并無名瘡毒

雷公真君曰。凡人癰疽發於背。或生於頭頂。或生於胸腹。或生於手足臂腿腰臍之間。前陰囊門之際。無論陽毒陰毒。一服吾方。無不立消。已潰者。卽斂。真神方也。金銀花四兩。蒲公英一兩。當歸二兩。元參一兩。水五碗。煎八分。饑服一劑。盡化爲無。行矣。切勿嫌其藥料之重。減去分兩。則功亦減半矣。此方既善。攻散諸毒。又不耗

冬服久服俱無碍卽內治肺癰大小腸癰亦無不

我已傳完汝另抄一本存之醫述之中以成全書他年刊布天下傳之萬年以見吾道之大亦快事也

雷公真君傳於燕市時康熙戊辰七月晦日也 我無他言但願汝修道以答

上帝之心也完

余與陳子遠公同里而神交偶得是編讀之嘆爲神奇故亟梓以濟世遠公淹貫經史才思泉湧論議數千言娓娓不窮益是編原期救人而匪取乎采藻竊恐以詞害志故畧有所刪改要

使雅俗一覽了然至定方用藥之間總不敢增減一字知我當
不罪我也 以謀謹識